



大明宣宗章皇帝實錄

宣德二年秋七月丁亥朔享

太廟遣中官祭司門之神行在鴻臚寺卿楊善等劾奏鄭府工副等官周信等一百四十三人朝參不具公服請正其罪

上曰小官或未有倫姑宥之夜有流星大如鷄彈色青白尾跡有光出天倉東南行至近濁

戊子

賜洮州衛刺麻拔丹扎等鈔絲幣表裏有差行在戶部奏河南陝西都轉運鹽使司歲辦鹽課三

十萬四千引自永樂二十二年至宣德元年淫雨
壞堤淡水八池而盜不給致虧歲額已奏准後民
備築鹽候今歲補償今正當鹽結之時請遣官監
辦及令補償虧欠之數

上曰遣官監臨不免擾人但移文所司令補償之
罷僧童四百五十一人為民時僧童陳達高等請
度牒考試皆不通梵典行在禮部請懲以法

上曰此愚民惑苟逃差後耳宥之發歸為民 夜有
流星大如盃色青白尾跡有光出鰲星西南行至
近濁

己丑

夜有流星大如雞彈色赤尾跡有光出庶子旁西
北行至濁

辛卯

占城國王占巴的賴遣使臣通沙怕把淡美奉表
貢象牙犀角奇藍香等方物

壬辰

命府軍前衛帶俸幼官指揮同知張福常榮聶貴美
指揮僉事李敬俱理衛事 夜有流星大如雞彈
色赤尾跡有光出斗杓西北行入梗河

癸巳

蜀王文壻奏昨再奉勅調軍勦捕松潘叛寇已委
指揮李雍等領兵四千往松潘聽征

上復書蜀王曰聞已發軍深見休國之意然朕已遣
人招諭若其順服可免進兵如其冥頑不悛朕別
於陝西調精兵由他道進賢弟府中再量調人馬
與前所調者會合齊心殄滅此寇庶幾永息
邊患 雲南大理衛土官百戶李慶子奴四川沐
川長官司把事夷酋真等來朝貢馬及方物
陞府軍、衛正千戶者顏帖木兒為本衛指揮僉

事 夜太白犯東井

乙未

賜哈密忠順王差來都督僉事北斗奴失刺思使
臣都指揮僉事阿力土魯番城使臣都指揮僉事
也善著兒及哈密衛指揮同知僉事千百戶鎮撫
誥勅 行在兵部尚書張本言初廣西三司奏柳
慶各府山賊糾合猖獗於臨桂等五縣劫掠人財
已集民款置備器械守護總兵官領鎮遠侯顧興
祖督軍往來哨捕今三司又奏桂林及柳慶等府
賊首韋萬黃韋朝傳等聚眾劫殺深為民害勅興

祖進兵勦之 山東左叅政段民自陳一考稱職
應授本身誥命臣母葉氏年八十二乞得本身誥
先給臣母

上命行在吏部從之 備倭都指揮使衛青奏緣海
之地紆回四千餘里城堡烽墩三百餘所比年近
海諸衛官軍累調營造運糧今當備倭時月而守
瞭者少恐誤事機山東都司亦奏左軍都督府今
徵取軍士餘丁營繕乏人應後

上謂行在兵部臣曰後人能節其力則事亦不誤其
令工部以所後緣海軍士分兩班更代則備倭赴

後亦兩不妨誤餘丁更不必取

夜月上生背氣

一道色蒼白鮮明

丙申

上諭三法司官曰今盛暑朕與卿等深居靜處猶覺
可畏罪因駢首就繫熏蒸煩鬱寧得無病宜即檢
勘有應罰後者即時發遣應奏者即具所犯來處
置勿令久淹若或疾病死於無辜足為陰德之累
卿等宜体朕意

丁酉

工改翰林侍講陳敬宗為國子監司業

上曰侍講清華之職司業師表之任秩雖未崇其任則重亦可為儒者之榮矣 增置廣西潯州府平南縣武林鄉巡檢司土官副巡檢一員 戊戌

給臨川王磐燁儀仗 琉球國中山王尚巴志遣使臣浮那姑是等奉表箋貢馬及方物 陞行在刑科左給事中李敏為南京都察院右僉都御史 交趾道監察御史江鍊為浙江按察司副使 陝西道監察御史夏能四川道監察御史楊銘為浙江按察司僉事 命戶部貴州清吏司員外郎原固為

河南布政司叅議往總兵官崇信伯費繼處理軍機文書擢監生秉彛何教邵新為監察御史秉彛行在交趾道教行在山西道新浙江道以陳祚為行在山西道監察御史祚嘗為河南布政司右叅議坐事被謫至是舉其才者故召用之 復王勳高唐州知州陞從四品祿馬旭內丘縣知縣陞從六品祿王恪鳳翔府通判朱寧^汶上縣丞訥旭以九年考最恪寧以喪親服闋民皆奏乞留之故有是命 調河南按察司副使彭進為雲南按察司副使 命哈密故都指揮僉事那蘇兒丁姪捨列夫丁故指

揮同知何思蘭孫捨黑馬黑麻河黑子馬黑麻蘇
職賜朝鮮國使臣李皎等鈔絲幣表裏金織羅
絹蘇衣有差

命陝西三司及軍衛有司罪囚納米贖罪時行在戶
部奏陝西岷州河州洮州臨洮各衛糧餉皆西安
等府稅糧供給邇來歲歉民貧多有致逋負倉無
儲積欲將陝西三司及諸軍衛有司罪囚除真犯
死罪者依律其餘雜犯死罪并徒流以下皆赴岷
州等衛納米贖罪

上從之仍命行在刑部都察院斟酌輕重多寡之數
以聞行在禮部奏會官簡視北京國子監生李
幹等年老殘疾貌陋不堪教用者凡一千九百五
人宜罷為民其南京國子監生請准此例會簡皆
從之

己亥

命歪思王遣來正使馬黑麻迭力迷失為指揮僉事
副使馬黑麻札納速兒刺為正千戶乞兒麻地使
臣火者忽思老為正千戶肉迷地使臣哈只阿黑
蠻為副千戶俱賜誥命給冠帶賜湖廣金峒安撫
司故土官舍人單萬勇等鈔幣綿布有差

詔逮鎮遠侯顧興祖時交趾叛寇破隘留等聞改
園丘溫興祖擁兵南寧太平不援致寇陷城又興
祖先奏已獲賊首韋萬黃泉首示衆而萬黃出沒
劫掠如故興祖又遣指揮張玠等假以軍務逼取
土官人等金銀二千五百餘兩馬百餘匹又強奪
民居挾娶女婦等事為巡按御史劾奏

上以其稔惡不俊命行在都察院逮問仍命公侯大
臣別舉良將代之

庚子

以明日中元節遣鄭王瞻埈祭

長陵

獻陵

行在刑部尚書金純都察院左都御史劉觀刑部
尚書李友直等通類輕重罪囚奏請疏決

上閱之命純等曰反逆不孝人命強盜聚衆竊盜拒
捕傷人故燬公解及官民房屋詐偽制書私造印
信強奪良家妻女俱如律監守自盜受財枉法盜
官高產錢糧者追其所盜所受物免死及應徒流
笞杖者論輕重罰輸作工匠之應徒者如年限輸
作應贖者如律凡決遣二千四百六十五人巡

按河南監察御史戴誠奏布政司右叅政李壽督
郡縣稅糧於懷慶府河內縣吏民家貸花絨二萬
餘斤布一萬餘匹展轉貿易肆為侵漁又通使部
運者妄告小民負欠拘繫箠楚小民不堪致其逃
者二千餘戶命行在都察院遣人逮治之

辛丑

命都督同知陳懷元總兵官都督僉事劉昭元副總
兵都指揮同知趙安元左叅將都指揮僉事蔣貴
充右叅將勦捕松潘叛蠻勅懷昭安統領慶府護
衛官軍各一千富平王三百陝西都司行都司各

八千寧夏諸衛二千自洮州取路進松潘仍勅貴
同都指揮僉事韓整以所領四川貴州并成都護
衛調來操備官軍刻期會合懷等勦捕肅清邊境
若此寇已從招爾等別宜相機置置趙府左長史
趙季通率季通字師道天台人由教官舉任吉安
永豐縣知縣調漳州龍溪寬厚愛民民甚戴之永
樂初與備

太祖皇帝實錄書上除國子博士陞司業調北京國
子司業簡為趙王府左長史時國子司業董子莊
簡授趙府右長史兩人皆端厚和平操守堅確動

容詳雅有政事才同心輔導隨事規益委曲規誠於
侍講讀必推理以驗諸事多所開悟王甚禮重兩
人

太宗皇帝

仁宗皇帝

皆深知之當時論親藩輔導之良蓋趙董為極選
云

壬寅

上諭少師吏部尚書義等曰唐太宗嘗言用人當
以德行學識為本此語甚是今之所用多是進士

監生彼讀書考古必能務德行廣智識間有大才
吏胥終亦少在要職大凡用人正如工匠用木小
大長短各當其宜然後能成居室若用不當何以
成治功卿宜更加詳察有在高位而德行學識未
稱則改用之有在下位而德行學識優長則進用
之庶合至公而人莫敢不取 調濟湯衛帶俸指
揮同知高貴山西行都司都指揮僉事王用行在
金吾左衛帶俸都指揮僉事呂整俱任廣西都司
癸卯

貴州總兵官都督蕭受奏水西宣慰司頭目何閉

防宜聚衆為惡不服輸稅其黨人千餘人橫殺土
官占據山箐招撫不從其地與晉定衛西壁長官
司蠻賊阿骨哈地方相近恐互相糾結為害不細
請調官軍土兵合勢勦除

上諭行在兵部臣曰蠻人無知非有遠謀如即調兵
傍近良善不免受害姑令緩與三司遣人撫諭如
再不服調兵未晚

順天府霸州文安二縣蝗

甲辰

賜雲南大理衛土官舍人李奴四川沐川長官司
把事夷貴真等鈔幣有差 陝西鞏昌府西河縣

直隸廬州府合肥縣各奏人民缺食已給官倉米
粳賑濟具以數聞

上諭行在戶部臣曰能及時濟之亦見有司不坐視
民患

乙巳

福餘衛總官指揮僉事脫敏湖廣麻寮守禦千戶
所土官百戶向拳甫等來朝貢馬 賜占城國使
臣逋沙怕把淡等紗絲幣表裏有差仍命逋沙怕
把淡等賞勅及文錦紵絲紗羅歸其國國王及妃

丙午

遣鄭王贍竣等詣

獻陵行禪祭禮

勅諭南京刑部都察院大理寺曰凡官員軍民人等有犯除惡逆不孝人命強盜詐偽等項真犯死罪及故燒倉庫錢糧衙門文卷依律外其監守自盜及雜犯死罪以下悉依定去條例令各犯自偷米於南京倉輸納贖罪納畢仍依運磚罰鈔例發落內有該追錢糧贓物者依律追徵納米之例官吏死罪米一百石軍民人等米八十石流罪米六石徒罪米三年五十石二年半米四十石二年米三十石

十五石一年半米三十石一年米二十五石杖罪一百米二十石杖九十米十五石八十米十二石七十米十石六十米八石笞罪五十米六石四十米五石三十米四石二十米三十米一十米二石
巡按直隸監察御史姚震奏北京行太僕寺少卿毋祥寺丞王濬於肥鄉縣閱馬受郡長白金之賂請逮問從之
昏刻有流星大如雞彈色赤有光起文昌東北行至八穀

丁未

陞永平衛指揮使王義為都指揮使仍於永平食

祿不任事。是日總兵官賜武侯薛祿副總兵清平伯吳成率師至開平虜寇先已逼城下無所得而退祿至獲寇三人詢之云虜衆在朵兒班你兒兀之地去東南三百餘里祿等遂率精兵往襲之晝伏夜行踰三夕至其地望見虜營縱輕騎徑薄之虜倉惶上馬迎敵官軍殺虜數十人生擒賊首鎮撫晃合帖木兒百戶忙哥撒兒等十二人虜敗走獲其男婦六十四人馬八百一十七匹牛羊四千餘頭既還虜衆躡其後祿復縱兵奮擊又大敗之虜遂遠遁。

戊申

以江淮衛指揮僉事郭敏老疾命其子璽代

行在刑部都察院奏定岷州沈州洮州河州臨洮納

米贖罪例岷州洮州二衛死罪十石流八石徒六

石杖三石管一石五斗河州臨洮二衛死罪十三

石流十石徒八石杖五石管三石納罕依在京運

磚罰鈔例軍官應徒流者調衛雜犯死罪者降用

文職官吏應徒流及雜犯死罪俱放原籍為民軍

民人等著後寧家官吏受賍犯死罪及閑吏犯徒

流罪者仍發北京為民杖罪者軍官還職後閑吏

起送行在吏部照例發遣

上從之曰茲以歉歲暫紓民力俟年豐仍如舊例

已酉

命行在後軍都督府都督僉事山雲佩征蠻將軍印
充總兵官代鎮遠侯顧興祖守廣西率領湖廣廣
西貴州三司所調官軍勦捕叛蠻先是興祖有罪
被逮

上命公侯大臣舉良將代之至是大臣咸言雲廉勇
有智畧

上亦以為然故有是命湖廣道監察御史吳會同以

私過降山陽縣儒學教諭行在兵部尚書張本
奏初蠻寇攻圍松潘疊溪茂州指揮吳玉等領軍
追捕四川都司布政司按察司官右布政使殷序
等同往招撫玉等不謹隄備為賊所敗漸威州索
橋燒燬鋪樓及都指揮韓整高隆率軍至威州遇
賊與敵官軍反為賊敗整等詐言番賊臨城對敵
混殺官軍以掩己過巡按御史嚴孟衡等劾奏其
事奉旨宥玉等死命充為事官立功贖罪韓整高
隆等皆失機又欺朝廷殷序等不能招撫致賊猖
獗俱各罪之

上曰姑皆宥之使面後功不貸

再祀

庚戌

日生右珥色青赤鮮明

辛亥

大同總兵官武安侯鄭亨奏緣遼烟墩七十有六各置旗軍十五人晝夜守瞭邊地苦寒其中有衣服單薄者乞每墩給皮裘五領使更番瞭望得以禦寒命行在工部如數給之

壬子

封寧王權長女為永新郡主配金鄉衛舍人高鶴

齡第二女為玉山郡主配都督舍人方景祥第十
一女為浮梁郡主配龍江右衛舍人俞致淵令鶴
齡等俱為孀賓賜之誥命 賜朝鮮國貢使李暖
等宴 行在戶部奏直隸蘇州府崑山縣今年夏
久雨滄沒官民田稼一千八百六十三頃有奇鎮
江府金壇縣兩滄沒官民麥田一千一百二十頃
有奇湖廣長沙府攸縣旱傷田禾一千五百九十
八頃有奇

上命遣人驗實蠲其稅糧

癸丑

給寧府永清郡王及儀賓高鶴齡歲祿共八百石
玉山郡主及儀賓方景祥浮梁郡主及儀賓俞致
淵如之俱於江西布政司倉庫內米鈔兼支 設
湖廣石閘峒長官司隸金峒安撫司以單萬勇為
長官向顯名年福亮譚重貴為副長官前元時嘗
於其地開園布等處鎮邊萬戶府以萬勇父黑送
顯銘父勝福亮父月海仲貴父孝為萬戶知府同
知通判洪武初大軍克蜀黑送等皆死蠻民潰散
因而罷革至是萬勇等招集蠻一百五十餘戶居
峒中未有所屬金峒安撫司遣人招之乃僱馬來

貢上故萬戶府印請設官開治所事下湖廣三司
覆勘皆實遂命設官司以萬勇等為長官副長官
仍置吏目一員

甲寅

賜琉球國使臣浮那姑是等鈔絲幣表裏有差

乙卯

賜福餘衛驍官指揮僉事脫歡等及湖廣麻寮守
禦千戶所土官百戶向奉甫等鈔絲幣有差 直
隸河間府獻縣真定府晉州饒陽縣奏河水衝決
官險口及窰堤口黃潦漫流田禾淹沒

上命行在工部遣人巡視凡水勢衝激之處堤堰當
增脩者即發民興工

上視朝罷御右順門諭禮部尚書胡濙曰昔

皇考在位禁止自宮之人謂其毀傷父母遺體最是
不孝凡有此等皆發充軍朕遵承

先志亦嘗援例發遣此者小人復有冒犯蓋緣不
知故爾妄作孔子曰示之以好惡而民知禁卿宜
出榜通諭天下使之遵守

大明宣宗章皇帝實錄

宣德二年八月丙辰朔

總兵官陽武侯薛祿等奏七月二十一日率兵於
開平東南三百里外勦殺韃寇上其俘獲人口輜
重馬駝牛羊之數

上遣使賞勅嘉勞之 夜有流星大如雞彈色青白
尾跡有光出參旗西南行入天囷太白犯與鬼西
南星

丁巳

遣太子少傅工部尚書兼謹身殿大學士楊榮釋

奠先師孔子 曉刻太白祀典鬼
戊午祭

太社

太稷 禿都河等衛指揮僉事脫你哥福餘衛故千
戶帖木兒子勤克等來朝貢馬 朶兒必河等衛
指揮僉事河兒帖木等男婦二十五人來朝奏願
居京自効賜金織氍衣絲帶鈔布綿花仍命有司
給房屋器皿等物如例 大同總兵官武安侯鄭
亨奏大同每歲召商中納鹽糧以實邊儲因淮浙
每引納米三斗久乃得支商人少有至者乞每引

減米五升不次支給則商旅必至邊廩可充從之
庚申

上語行在吏部尚書蹇義等曰國家建學育才以資
任用

祖宗以來得人為多此者各處考黜生員例應充吏
有以患病為詞者告乞再試後既耻於罷黜必能
悔過自新又或是學業垂成不甘中棄者宜從所
請然須令翰林院嚴切考試庶幾人知警誤向學
遼東都司都指揮同知康旺考部元等衛指揮僉
事克徹屯河等衛指揮僉事不願禿遼東東寧衛

指揮金聲等來朝進馬及方物行在戶部以宣
德三年隨駕御馬監飼象馬牛羊草太常光祿飼
牲草分派南北直隸及山東河南山西陝西諸府
州於今年田穀草內徵納

上曰古者納總納錢皆量地之遠近慮勞民也宜從
減省毋困民力監察御史嚴維先言近行吏部
放遣患病官還鄉例皆革去冠帶為民竊謂為官
者賜之冠帶所以為榮不幸有疾實非不得已亦有
曾受誥勅封贈父母者既非得罪輒去冠帶無以
激勸後人敦厚風化

上謂尚書蹇義等曰以理去官與見任同今後曾受
誥勅以老疾去者皆令冠帶還鄉巡按北直隸
監察御史李驥奏近備築家雲中衛城垣發各縣
民丁五百餘人今當秋成乞暫放收穫畢日仍令
赴工

上諭行在兵部臣曰民所望者秋成其即如御史言
散遣之日夜有流星大如雞卵色赤有光起營至
西南行至疊壁障

辛酉
行在都察院左都御史劉觀等奏常州宜興縣無

顏民劉貴同其二子誣平民為強盜奪其產業殺其家五人又文致其罪解縣死於獄者八人事發貴已死二子依謀殺人從而加功律絞畏死訴寃有旨令臣等辨明臣等究情論法宜坐絞罪

上曰人情孰不畏死其殺人多矣此若幸免平民何辜處決如律免民丁備居庸關橋梁時守關指

揮芮劬言閔路橋梁為兩潦衝壞督軍務治未得堅固請發龍慶州及昌平縣民丁併力為之

上曰不過數日之力今收成之際豈可妨農其令近衛協助之無後及民直隸河間府奏去年八月大

上駕東征軍馬蹂踐禾稼一空已蒙開除糧稅今有司仍追馬草乞併蠲除

上命行在戶部悉除之

壬戌

命亦里把里等處使臣滿刺馬里黑麻阿昔兒丁陟西丁為副千戶滿刺馬黑麻馬黑麻為所鎮撫皆

賜冠帶

甲子

給魯兩安丘樂陵銀野三王歲祿各二千石內給米五百石餘皆折鈔少保戶部尚書兼武英殿

大學士黃淮以疾求退上疏曰臣歷任以來荷國
厚恩勉竭駑鈍莫報消埃數載之間形神羸弱衆
疾交攻手足痿痺動若拘挛心脇氣痛如刀刺食
下咽而嘔逆語過耳而莫聞凡若此類不可殫述
竊嘗自計犬馬之齒奄過六旬所患病症息則稍
甦勞則旋復今年三月以來疾勢大作荷蒙

聖恩命醫治療緣臣疾已沉痾難逐痊愈雖欲黽勉
供職柰何力不能支伏望

聖仁俯垂矜憫賜臣扶疾還鄉以終餘年不勝至幸
上覽奏惻然顧謂少傅楊士奇太子少傅楊榮太子

少保金幼孜曰淮與卿等同事

皇祖

皇考今三十年勤勞多矣而其疾若此固留之則情
有不可宜令暫還家養疾若稍平復即當復來卿
等以朕意諭之遂遣中官賜鈔萬貫直隸徐州
保定府深澤博野東鹿蠡縣河間府河間縣各奏
七月積雨連旬河水泛溢衝決隄岸涂沒禾稼山
西布政司蒲澤解絳霍五州沁水岳陽平陸臨晉
猗氏曲沃安邑襄陵芮城稷山垣曲翼城太平河
津閭喜汾西趙城永和浮山臨汾榮河萬泉夏二

十三縣河南靈保縣各奏五六月亢陽不雨田穀
早傷

上命行在戶部遣官驗視蠲其租稅

宥廣東都指揮僉事程瑒罪初瑒領軍捕黎寇無所
獲寇大焚掠安定會同二縣巡按御史金濂嘗劾
瑒失機

上命姑記罪俾自劾至是廣東都司奏賊黨悉就擒
裁招撫其未獲者四人行在都察院猶劾奏瑒請
罪之

上曰功可掩過姑宥之未獲者仍令瑒盡擒乃已

丙寅

阿木河等衛指揮僉事敬替等來朝貢馬及方物
丁卯

總兵官瑒武侯薛祿副總兵清平伯吳成等還京
師獻所俘獲虜寇人畜

上嘉勞之命行在禮部兵部錄其功次高下定賞
賞白金百兩鈔二千錠絲帶表裏十成白金九十
兩鈔一千六百錠絲帶表裏八先入賊陣都督同
知程忠等三人白金五十兩鈔一千錠絲帶表裏
五把總領隊都指揮僉事滕廣等八人人白金四

十兩鈔八百錠絲幣表裏四隨五都指揮僉事失
刺那海等六人人白金二十兩鈔三百錠絲獎表
裏二當先力戰都督同知高文等二人白金三十
兩鈔六百錠絲獎表裏三把總領隊都指揮僉事
審忠等十三人人白金十五兩鈔三百錠絲獎表
裏二守營都指揮同知郝慶等三人人鈔一百錠
通州等衛指揮使王敬等一萬二百四人給賞有
差總記銀二萬二千六百三十五兩有奇絲獎九
百三十一表裏鈔五萬九千九百五千六錠絹四
百四十三疋綿布一千九十一疋

戊辰

上視朝罷御左順門尚書蹇義夏原吉等侍

上曰近者各處有司多奏水旱而山西郡縣旱為尤
甚若禾稼不成其民何所仰給朕心惓惓思所以
弭災之道卿等當輔朕不逮以回天意若及今大
雨民猶有望原吉對曰齊景公言善熒惑為之退
舍

陛下憂民如此

天心悅鑒必有以副

聖意顧臣等不職實切惶愧皆頓首謝 大真人張

字清卒字清字彥璣永樂間嗣兄字初教事授正
一嗣教清虛冲素先祖演道真人

上嗣位未朝時道士劉淵然已賜號大真人字清欲
與之並懇求當道為之請

上曲從之賜號崇謙守靜洞玄大真人蓋示訓也至
是卒訃聞賜祭

己巳

烏思戩刺麻鎬南相竹等來朝貢馬

陞行在吏

科都給事中凌晏為行在都察院右僉都御史改

副都御史李素為浙江按察司使以按察使林碩坐

事被逮故也

壬申

撤刺兒等衛安樂等州寄住指揮僉事卜也哈哈
刺等處回回打刺罕賽因馬哈木等來朝貢馬及
方物行在戶部奏光祿寺明年所用厨料請如
例買之民間

上曰光祿供祭祀賓客之費固不可缺然與其多取
於民莫若儉以足用卿等宜斟酌樽節不可過中
癸酉

遣官祭歷代帝王

命指揮僉事許彬王能往山西行都司領騎兵專督
緣邊哨備 行在戶部尚書夏原吉奏南京戶部
公宇棟梁榷掬多朽腐恐頽壞則愈費工力請預
確理

上從之因曰凡人治家治國理皆如此思其難而圖
於早則用力少而成功不難若及艱難然後圖之
則勞費數倍成功不易矣

甲戌

祭太歲風雲雷雨嶽鎮海瀆山川等神 遣官祭
旗纛之神

上視朝罷御便殿問侍臣曰頗聞朝廷下寬恤之令
或為有司沮格者誠有之乎侍臣對曰亦間有之
上曰治天下以信為本朕每出一詔令必豫度可行
可守而後發不然徒失信於民豈為君子之道為
臣輔君理民以信義為要君欲施仁而臣沮格於
下不忠孰大焉侍臣對曰此實政事之臣負

陛下所賴

陛下明斷耳

乙亥

陸行在戶部左侍郎兼詹事府少詹事郭敦為本

部尚書戶部郎中陳琰禮部郎中楊善俱為陝西
布政司右叅政 復孔公朝寧陽知縣公朝永樂
初知寧陽能惠綏小民清廉直幹賦役平均人甚
安之坐同寮飲酒相爭皆發戍邊民八十餘人奏
乞留公朝不得又屢奏乞留皆不得至是聞以求
賢舉至京寧陽民又奏乞留

上謂吏部尚書蹇義等曰此人去寧陽二十餘年民
數奏留不已必所及於人者深矣其令復知寧陽
增置填上東馬房倉填上北馬房倉大使副使各
一員 少保黃淮以疾歸陞辭命行在兵部給舟

車復賜給鈔萬貫 行在戶部奏兩淮兩浙煎辦
鹽課每歲給工本今應如例遣監生運新鈔給之
就令鹽驗去年新辦之數

上曰國家不欲損民故鹽課給工本但近聞差去監
生皆有需求卿等宜戒飭之 免直隸河間府民
陪馬時行在兵部尚書張本言河間等六府所屬
州縣民孳牧馬去年秋盡取赴京備用道途瘦死
者五萬五千餘匹應追陪還官

上曰馬死於途非孳牧者之過釋追
總兵官寧陽侯陳懋奏前者召商於寧夏納米靈

州支鹽平涼慶陽鬻賣而行鹽地方不廣商旅遂
稀今河東鹽地又被水潦鹽利不興靈州私鹽轉
出他境若仍於寧夏開平暫許靈州之鹽得至決
西山西地界則商旅競至邊儲充實矣

上從之命俟河東鹽地有鹽之日仍如舊例
太白紀軒轅大星

丙子

命奴兒千等處來朝野人女直頭目者兀得為可令
河衛指揮僉事備下為弗提衛指揮僉事俱蘇父
職幹冬哈僧任可忙哈帖木兒哈傳刺察等俱為

副千戶孟常三哈可里因吞忽亦思哈乃吞刺脫
歡出忽失塔加哈升哥里忽失吞吞必納等俱為
百戶賜眷有差 遼東總兵官都督僉事巫凱奏
廣寧舊城中設四衛洪熙元年以其窄狹奏准於
城東南二面增築土城以居官軍今欲拆舊城一
面使與新城相通以其磚石砌新城從之
月紀天衛北星

丁丑

四川酉陽宣撫司土官僉事冉應良遣頭目何政
聰玄城等指揮僉事木吞兀哈等來朝貢馬及方

物弗提衛指揮僉事三哈禿都河衛指揮僉事
莽加及其母來朝莽加奏願居京師三哈奏願居
遼東自在州賜紵絲絛衣線幣鈔布綿花仍命順
天府及遼東都司給房屋器皿等物如例

命少師陰平侯張信行在戶部尚書郭敷往陝西整
飭廢務凡有當行者同陝西三司官計議而行必
歸至當仍具奏聞務使軍民安妥糧儲足用非有
召命無輒回京

命故都指揮僉事黃誠姪智襲府軍後衛指揮使錦
衣衛指揮同知徐斌子毅襲職江淮衛指揮同知

車鑑自陳老疾命其子亮代降四川都司都指
揮僉事韓整充為事官時巡按四川監察御史并
四川都司布政司按察司俱奏整率官軍七千餘
人駐威州蠻賊隔溪大肆攻劫焚官署民居掠人
畜整坐視不救故降充為事官戴死罪聽總兵官
都督陳懷奇調遣俾殺賊立功再畏怯無功必殺
不宥夜有流星大如盃色青白有光起奎東南
行至天苑炸散

戊寅

行在戶部奏楚府崇陽王嫡次子及永安通山通

城三王諸庶子俱授鎮國將軍歲祿各一千石令
湖廣布政司於所屬倉庫內米鈔兼支從之
四川馬湖等府土官知府安璿遣把事田福天全
六番招討司土僧印中等來朝貢方物賜禿都
河等衛指揮僉事脫你哥福餘衛舍人勤克奴兒
千都司指揮同知康旺考郎兀等衛指揮僉事克
徹屯河等衛指揮僉事不顏禿東寧等衛指揮僉
聲等鈔練帶表裏有差四川布政司言所屬府
州縣官缺多以陰陽醫學等官權置署民不信服今
官軍征番寇所急者糧餉缺官督運請凡考滿給

由到司者除歷任九載及學官令赴京其餘三年
六年者暫存在部督運糧餉待番寇平如例給由
上命行在吏部如所奏官缺者選人除授以夜有流
星大如雞彈色青白尾跡有光出天倉東南行至

雲中

已卯

增設甘州前後二衛右千戶所以樂安守禦千戶
所十二百戶所軍士實之

庚辰

遼東安樂州故指揮僉事王阿里哥出妻子俺失

可等來朝貢馬 陞行在吏科左給事中王佐為
行在戶部右侍郎陝西苑馬寺卿曹曾為順天府
尹北京行太僕寺丞劉寧為本寺少卿以九載考
最也鄧川州儒學訓導楊昭為江西道監察御史
保定府清苑縣儒學教諭王錫紹興府上虞縣儒
學教諭虞祥台州府儒學訓導褚懋延平府沙縣
儒學訓導郭璘定州行唐縣儒學訓導趙瑞蘇州
長洲縣儒學訓導鮑堯夫為給事中錫行在戶科
祥行在禮科懋璘行在吏科瑞行在兵科堯夫行
在刑科 文正宣化府知府黃安為廣東布政司

左叅政北京刑部兵曹清吏司員外郎楊庸為河
南布政司右叅議行在戶部四川清吏司員外郎
石堅為四川布政司右叅議遼東苑馬寺少卿侯
聚為廣東按察使山西道監察御史徐義為廣東
按察司副使河南道監察御史熊鑑為山東按察
司副使調福建布政司右叅政楊敬為湖廣布政
司右叅政四川布政司右叅議胡俊為江西布政
司右叅議改大理寺丞張宗連為常州府同知江
西道監察御史蔣思誠為雲南羅次縣知縣二人
皆以奏事不稱旨故改外任復楊信嚴州府桐廬

縣陞從六品祿孫貴鳳陽府五河縣典史陞從九品祿二人俱九載考最以其民奏乞留之故有是命

命哈密差來哈只大者為副千戶阿老丁哈利甫丁回回馬哈麻塔兒月失皆為百戶夜有流星大如雞彈色青白有光起羽林東南行至濁

壬午

寧王權奏府中乏內使

上遣官送火者二十人往賜之

蜀王友培奏前後調發官軍校尉七十餘人助討

松潘寇

上嘉其能盡蕃職恭朝命賜書獎勵之 曉刻月紀

軒轅南第二星

癸未

起復工部尚書甄庸時庸以親喪家居行在吏部尚書蹇義等言南京工部事繁堂而上缺官故有是命 賜阿木河等衛指揮僉事散督撒刺兒等衛指揮僉事卜也哈哈刺等處回回打刺罕賽因馬哈木及馬思歲刺馬鎖南相竹等鈔幣表裏有差

可木河等衛指揮僉事亦令加等喜申衛百戶能哥等屯河衛女直頭目各必訥等來朝各必訥等二人奏願居京自効命為百戶亦令加等十六人奏願居遼東自在州各賜紵絲氍毹衣紗帶鈔布仍命順天府及遼東都司給房屋器皿等物如例
甲申

嚴反逆家屬在逃之令先是高煦叛官吏軍民多從之者於法全家男子斬婦人給配
上不忍一槩加刑止戮正妃餘家屬悉宥死發戍邊或京衛為匠或給官家為奴其發戍邊者徃徃謀

害解送之人而逃為奴者亦多逃歸其鄉

上命聞之命五城兵馬及衛所府縣巡檢司捕之又命行在都察院榜示中外未獲者許出首死者及藏匿者處死首得實賞鈔一千貫榜出後逃者能自首宥死仍發原配所或不首而自回原配所免罪

乙酉

雲南麓川宣慰使思任發等遣頭目陶孟忤孟放南甸州土官知州刀貞罕遣頭目刀怕緬甸軍民宣慰司頭奔得刺遣通事丘景景東府土官知府

陶幹遣舍人陶吾蒙化州土官知州左伽弟昶及
木邦軍民宣慰使罕門法遣頭目招路巴四川烏
撒軍民府土官知府河能等來朝貢象馬金銀器
四等方物 召遂安伯陳英還京師乃勅都督陳
景先總理薊州永平山海軍務 賜平江伯楊璟
所統運糧官軍鈔指揮八錠千戶衛鎮撫六錠百
戶所鎮撫五錠鎮軍四錠俱於淮安揚州官庫支
給 初保定伯梁銘奏求南京故都督韓觀舊宅
上許之既而有言觀妻子尚居其中
上曰觀舊功臣豈可奪之遂命工部別與銘 設浹

西都司兆州衛僧綱司置都綱一員 夜有流星
大如雞彈色青白有光出昴東北行入五車又有
流星大如雞彈色赤有光出營室東南行入南河

大明宣宗章皇帝實錄

宣德二年九月丙寅朔

丁亥

上命行在刑部都察院北京刑部凡武職及旗軍見繫鞫者悉錄其情罪輕重以聞 陸遼東都指揮同知康旺為都指揮使都指揮僉事王肇舟於谷刺哈為都指揮同知東寧衛指揮使金聲為都指揮僉事旺等累使如兒干招諭

上念其勞故有是命 直隸鳳陽府霍丘縣廬州府無為州及英山縣安慶府懷寧縣浙江嚴州府

安縣湖廣襄陽府穀城縣四川重慶府長壽縣各
奏人民缺食已給官倉稻穀賑濟具以數聞

上諭行在戶部臣曰四方言灾傷多矣卿等宜留心
恤民毋使重困 夜有流星大如雞彈色青尾跡
有光起壁東南行至天苑旁

戊子

夜有流星大如雞彈色青白尾跡有光出營室西
北行至雲中

己丑

命故都指揮僉事帖木兒海牙子脫舟帖木兒蘇父

職帖木兒海牙本忠勇王金忠部屬同忠來歸授
以是官至是病故忠請官其子

上命蘇職

辛卯

行在工部奏自通州至山海橋梁道路為雨潦所
壞驛站^站房宇亦多損漏請遣錦衣衛能幹官一員
馳驛往督軍衛有司量撥軍民脩治

上曰比聞錦衣衛官差遣在外多貪虐屬民只遣工
部廉能官度幾不獲

壬辰

上閱法司所上武職旗軍所犯罪狀命之曰凡謀叛
強盜謀殺人得財謀殺人造意及加功支解人為
從懷挾私仇故勦平人致死臨陣在逃偽造印信
鬪毆殺人威力制縛人致死夫毆妻致死強奪良
家妻女誣告人致死白晝搶奪傷人者皆依律監
守自盜常人盜倉庫錢糧等邀截賈封受財枉法
榜例重罪放火故燒倉庫及官物竊盜拒捕謀殺
人傷而不死造意科斂軍糧因公擅科斂及犯流
徒杖罪官戴罪旗軍俱宥罪發隨內官逸西公幹
還日官復原職旗軍復原伍管罪官旗軍俱罰輸

作復職後是日決遣四百餘人

癸巳

遼東總兵官都督僉事巫凱奏遼東今歲大熟進
所產嘉禾 賜四川馬湖府把事田福天全六番
招討司土僧印中再賜宣撫司頭目何政聰玄城
等衛指揮僉事木谷兀哈等鈔有差

甲午

重陽節賜文武群臣宴 夜月犯十二國代星

乙未

勅諭少師隆平侯張信尚書郭敦及陝西三司曰聞

蘭縣等處天旱民飢卿等即遣人視之如其果然則今年軍屯子粒民間秋糧悉與蠲免仍加意撫恤凡文武衙門官吏及朝廷差出之人並不許生事擾人違者執而罪之 四川長河西魚通寧遠等處宣慰使喃哩哥遣耆僧阿松界等來朝貢馬是日總兵官安遠侯柳升等師至交江隘留閑利及諸大小頭目具書遣人詣軍門乞罷兵息民立陳氏之後主其地升等受書不啟封遣人奏聞時賊於官軍所經之處悉例柵拒守官軍連破之直抵鎮夷關如入無人之境升意易之升雖勇而寡

謀時左副總兵保定伯梁銘參贊軍事尚書李慶皆病禮部郎中史安主事陳鏞言於慶曰觀主將辭色皆驕驕者兵家所忌况逆賊譎詐或示弱以誘我且壘書諄諄戒諭當防賊設伏此安危之機也公須力疾言之慶強起與升力言升諾之然猶不嚴戒備前至例馬坡獨與百數十騎先馳度橋既度而橋遽壞後隊阻不得進升所履皆淖泥地賊伏兵四起升中鏢死從升者皆陷沒於是右叅將都督崔聚斂兵整飭部伍是日梁銘病死明日李慶亦死又明日崔聚率官軍進至昌江遇賊官

軍少而賊衆官軍奮力死戰賊大驅象以助勢官
軍遂亂聚為賊所獲賊大呼降者不殺官軍或死
或奔散歸晚無降者即中史安主事陳鏞李宗昉
等是日皆死惟主事潘厚一人脫歸升安慶府懷
寧人父德洪武中任燕山護衛百戶升代職從

太宗皇帝靖內難大小二十餘戰俱有功累陞中都
留守司都指揮同知永樂三年陞左軍都督僉事
四年隨英國公張輔平交趾六年封安遠伯八年
既副總兵扈從北征至玄冥河敗虜寇封奉天積
難推誠宣力武臣特進榮祿大天柱國安遠侯食

祿千五百石往鎮寧夏召還充大營總兵扈從北
征至蒼崖峽兒力兒河慶州皆與有勞

仁宗皇帝即位加太子太傅至是充總兵官率師征交
趾率升為人質直簡靜馭衆處事俱平易臨敵敢
勇勝輒自矜然寡謀畧以是致敗云銘河南汝陽
縣人洪武中蘇父職為燕山前衛百戶

太宗皇帝靖內難侍

仁宗皇帝守北京時敵兵圍城銘戰聞甚力累建奇
功積官至後軍都督僉事侍

仁宗皇帝監國于南京坐殿下獄永樂十九年赦復

職命往廣東捕倭

仁宗即位陞都督同知命鎮寧夏厚資遣之念守城
切封保定伯至是病卒銘處心坦夷制事寬簡而
勇敢精悍過寇當先能撫綏士卒使銘不死聚未
至於敗聚鳳陽懷遠縣人初從

太宗皇帝靖內難以功累陞薊州衛指揮使永樂八
年扈從北征敗虜寇于廣漠成陞河南都指揮僉
事洪武元年陞左軍都督僉事至是同柳升等征
交趾升死衆敗聚斂兵復戰力不支為賊所獲強
聚諭衆降聚不屈賊百計強聚降終不屈賊遂殺

之慶順天府順義縣人洪武中以國子生署都察
院右僉都御史後授刑部員外郎陞紹興府知府
永樂元年召為刑部侍郎五年改都察院右副都
御史營建北京陞工部尚書二十年調兵部尋兼
太子少保

仁宗皇帝命侍

上謁

孝陵慶約束侍從將士不敢秋毫犯民

上欲獵亦屢諫止遂留南京兵部安遠侯柳升等征
交趾命慶參贊軍事至廣西病作及交趾境遂卒

慶平直剛果遇事敢為不畏強禦深疾脂韋姸媚者以嚴馭下以恕用法有幹局其在刑部時所領事多不得數至部凡屬吏與囚交通或私餽飲食慶輒知之加重罰衆畏憚不敢肆

仁宗即位大理少卿弋謙言事其中有過於矯激者仁宗不悅時大臣如呂震劉觀蹇承慶謙吳廷用交口傾之賴

仁宗不聽時惟慶及夏原吉不語然自是言事者少仁宗寤寤遂降勅自引咎且勉諭謙又責群臣之嘗傾謙者震等乃大愧於慶兩人時治——山陵事多

趣辦中官或有過求慶執不與至相詆語不為動若他事有未便亦侃侃爭論未嘗苟徇當時皆嚴憚之號為生李若論慶學與守亦未有聞焉

丙申

勅鎮守山西都督李謙及都司布政司按察司曰近有人自虜中回言獲寇蜂屯飲馬河簡閱壯夫健馬似圖南侵又得武安侯奏大同西北夜屢有火此寇譎詐情偽未可知須預為之備可練士馬固城堡謹烽燧遠斥候寇至堅壁清野勿與之戰使彼無所得朕將親率六師按邊待之必勦滅乃已

具悉心以副委任欽哉 永昌衛舍人把禾等福
餘衛舍人勳克永等來朝皆奏願居京自効賜紵
絲絨衣鈔布仍命有司給房屋器皿等物如例
命故羽林前衛指揮僉事捏可來孫把頭不花蘇流
官指揮僉事 賜遼東安樂州故指揮僉事王河
里哥出妻子俺夫可等鈔紵絲綿花布絨衣有差
瑒武侯薛祿言神機營原操官軍分遣征戍者萬
七千餘人逃亡者千四百餘人請於附近諸衛選
補從之 設壽陽平定井陘三遞運所先是巡按
山西監察御史質敦言北京真定府獲鹿縣至山

西太原府榆次縣路通陝西凡諸有司及西番酋
長貢獻經過州縣起集人車遞送未免遲誤或致
踈虞若令預備有妨農事宜於壽陽平定州井陘
縣各置遞運所為便事下行在兵部議至是尚書
張本等議宜如敦言設置而於山西河南遞運稀
少之處凡七所每議先撥牛車二十輛所夫三十
名均分三處接遞
上從其言

丁酉

朝鮮國王李禔遣陪臣安壽山金乙賢等貢馬五

千匹 陞通州衛指揮僉事焦禮為本衛指揮使
緬甸大頭目莽得刺為緬甸宣慰使初緬甸宣
慰使新加斯與木邦讐殺而死子弟皆潰散緬甸
頭目耆老共推大頭目莽得刺權理一方夷民順
服恭備職貢至是行在兵部請行總兵官及雲南
三司体審莽得刺果為夷人所信宜與實授
上曰遠方蠻夷因人情而遂與之使兵寢民安亦撫
夷之道其即授為宣慰使不須再行体審 置雲
南麓川平緬軍民宣慰使司大店驛丞一員以玉
人刀捧祛為之從宣慰使丑暗發所奏也 夜有

流星大如碗色青白有光出天紀後有二小星隨
之西北行至暮氣炸散又有流星大如盃色青白
有光起文昌東北行至近濁曉刻太白妃右執法
戊戌

上御奉天門謂尚書張本等曰各處充軍之人皆令
軍衛遞解本圖利便比聞其為害不細將所解之
軍拘囚困苦非理凌虐或受賄賂縱之在逃或逼
迫致死取其財物卿等但知遣發更不閱所宜如
永樂中故事遣官於經由之處閱視接送若仍踵
前弊即令所在官司治其罪職官則具奏治之庶

俾人知警惧以革前弊 行在工部尚書吳中孚
奏宣府前衛城垣臨邊其東北六門請以磚砌從
之 行在大理寺奏決重囚言汾州民粗知醫用
藥無效怒其鄉人求他醫用呪詛術殺之法當斬
上問不枉之否對曰皆有左驗已伏罪
上曰醫術本在活人不能其術乃為邪術殺人然呪
詛亦豈能殺但其心當誅誅之如律
已矣

省浙江按察使林碩命復任先是中官裴可力督事
浙江有湯千戶者以賄給之裴惟湯之言是信湯

因勢漁獵百姓驅迫郡縣無不承順碩時初至振
舉憲紀旌別善惡湯惧不容說碩於裴裴亦惧遂
誣奏碩譏誅及沮格詔旨

上遣人追碩既至親問之曰爾勿怖但盡實對碩叩
首言臣本庸下往年為御史嘗巡按浙江小人多
不便臣今陞按察使至浙江未久中官在彼者相
見皆懽然無片語相乖忤蓋其左右小人舊不便
臣者設謀造詐欲去臣以自便耳臣前為七品官
陛下即位之初即起陞三品位重祿厚臣旦夕孜孜
惟恐不能報

聖恩况敢有不忠之言天地鬼神鑒臨在上臣實無
誹謗語

上曰朕固未信是以面問汝今既明白汝即馳驛復
任但遇民瘼事悉奏來朕推誠心以待臣下汝無
他慮汝遇民瘼不言即是失職罪不可逃矣遂降
勅切責衰

上顧侍臣曰小人造言讒害君子罪必歸之不貸也
蓋碩初被逮衆皆危之既見遽釋之喜動中外碩
聖德云改浙江按察使李素為湖廣按察使勅諭
素曰比追按察使林碩至京已命復職湖廣江漢

重鎮耳日綱紀之寄必在得人爾嘗佐藩于彼悉
彼民情今命爾為湖廣按察使勅至爾即赴任尚
益慎乃操勤乃職以副委任欽哉

庚子

上謂侍臣曰比聞平陽府夏秋亢旱稼穡無收而他
處不以聞豈其有畏心乎即下勅山西布政司按
察司遣人體訪凡有旱傷去處今年民間糧草悉
與蠲免仍令有司善加撫恤毋致流移

辛丑

上視朝罷御左順門與侍臣論理兵經國之道

上曰朕昨觀宋史太祖承五代分裂之餘平湖南平蜀平江南俘嶺南劉鋹太宗并有吳越親征太原降劉繼元當時兵力足以溷一而幽薊之地終不復中國何也侍臣對曰自石晉以閩南諸郡賂契丹飛狐以東重閉複嶺為胡虜所有幽薊之南平襄千里蕃漢共之用兵不易也

上曰禦狄之道守備為先彼其得險已非我利况當時契丹強盛無可乘之機乎然使宋之子孫謹守憲章練兵以備之恒如開寶淳化之時亦足以保其成業何熙寧至宣和小人用事國多弊政遂至

金虜之禍高宗南渡並中原而棄之國勢凌夷有其漸矣

壬寅

賜往奴兒干及招諭回還官軍鈔千戶一百錠百戶八十錠旗軍四十錠命遼東都司給之夜有流星大如雞彈色青白有光起漸臺西行至天紀
癸卯

命太子太保成國公朱勇少師吏部尚書蹇義為正副使持節冊安慶衛指揮紀詹女為梁王妃安鄉伯張安行在吏部郎中陳叔剛為正副使持節封

周定王第十子有頰為遂平王十一子有煜為封
丘王十二子有燮為羅山上十三子有炯為內卿
王十四子有嶠為胙城王冊中兵馬副指揮任廣
女為鎮平王妃中兵馬副指揮薛顯女為宜陽王
妃中兵馬副指揮李潤女為遂平王妃致仕指揮
僉事張政女為封丘王妃次女為羅山王妃西城
兵馬楊寅女為內卿王妃南城兵馬副指揮鄧義
女為胙城王妃命刑部右侍郎吳廷用兵部郎中
趙豫為正副使持節封秦德王第四子志傑為宜
川王冊西安後衛指揮同知王輔妹為宜川王妃

西安右護衛指揮僉事何忠女為保安王妃
陝西鳳翔府扶風岐山鳳翔寶雞麟遊汧陽郡七
縣西安府高陵武功醴泉三縣各奏自四月至七
月不雨田穀枯槁

上命行在戶部及陝西布政司按察司加意撫民驗
畝蠲稅

乙巳

泰寧等衛指揮同知安忽里指揮僉事把禿不花
千戶輕孩及陝西洮州番僧亦什藏卜等耒朝貢
馬

命故山東都司都指揮僉事王銘子宣襲指揮同知
於金吾右衛帶俸金吾右衛指揮使王得子能襲
其父職閩童婿陸十襲流官指揮同知 置雲南
都司金齒民指揮使司尾甸長官司吏目一員干
崖長官司雷美驛丞一員 行在戶部尚書夏原
吉言在京文武官及軍校人等俸糧應支未者往
往過期不赴倉閩支請自今過期者如例改折鈔
又有訴隨駕往北及公差在外南京道遠缺人閩
支以致失期今貧乏仍欲支未者請自宣德二年
六月始未過一年者今仍支未若一年之後皆循

例全支鈔又言差往奴兒干官軍三千人人給行
糧七石總二萬一千石宜循例於遼東都司支給
從之 行在錦衣衛指揮何敏奏七月內臣令番
僧失刺藏卜等至諸簇寨招諭番蠻麥匣寨番人
結第言我向化四十餘年未嘗敢亂近指揮陳傑干
戶錢宏等率軍卒至遍索生口不勝擾害故殺傑
等今朝廷悉宥我罪又賜綵幣請改過自新又言
松潘所屬生熟番一十簇計戶萬餘已從招撫黑
水生番二處就令結弗往招撫占歲卜等北簇未
始從亂今亦撫定時都指揮蔣貴聞敏撫諭向化

即遣人止陝西官軍勿進且具本附敏奏
上謂行在兵部臣曰垂夷叛服無常敏既輕信貴又
昧於料事輒止陝西之兵若彼徂伺復生異圖必
有後悔

丙午

上語吏部尚書蹇義等曰昨四川龍州奏地連生番
近遭攻劫蓋緣州治勢輕請陞為宣慰使司脩築
城池置軍鎮守庶幾民得安業此事已令卿等議
之今朕思之龍州開治歷年久矣生番接境自昔
已然近日之事蓋因失於防慎若能覺察豈致踈

虞且彼土人若有征調聚則為兵散則為民豈不
自便今欲編入集伍蠻性未必樂從

祖宗建置已定惟當謹守彼蓋乘勢要求若使得志
邊方小人必將倣效生事造端不可不慎今但須
遵守舊章不必更議

戊申

封右軍都督府左都督李英為推誠宣力武臣特
進^光祿大夫柱國會寧伯食祿一千一百石給賜誥
券贈其三代及妻以招諭遠夷功陞金吾右衛
正千戶蔣旺通州衛正千戶李北斗奴俱為指揮

僉事 賜奉使哈烈等處錦衣衛等官軍指揮同
知也忽等一千四百二十二人鈔緞綵幣表裏有
差 賜雲南麓川宣慰司土官宣慰使思任發等
所遣頭目陶孟忙孟放緬甸宣慰司通事五景木
邦宣慰司頭目招路色景東府舍人陶吾南甸州
頭目刁怕蒙化州土官舍人左景及四川烏撒官
民府土官知府阿能等鈔紗羅綵幣表裏及紵絲
襲衣仍遣內官雲仙等齎勅賜思任發及路江安
撫司土官安撫曩璧等絨綿紗羅綵幣表裏有差
已酉

行在戶部尚書夏原吉奏京師文武官吏旗軍并
工作軍士夫匠用糧數多慮倉儲不給請以浙江
江西湖廣并直隸蘇松等府今年定撥淮安徐州
秋糧發民運赴通州倉其平江伯所運淮安等倉
糧少則於南京倉內關運

上從之命侍郎王讓曹本金庠蘇瓚副都御史陳勉
往督其事 賜四川長河西魚通寧遠等處宣慰
司番僧阿松界等紗絲幣表裏有差

庚戌

迤北韃靼孛羅赤來歸奏願居京自效命為所鎮

撫賜冠帶金織襲衣綵幣銀鈔鞍馬仍命有司給
房屋器皿等物如例

辛亥

賜哈密忠順王卜荅十里忠義王脫歡帖木兒紵
絲各二十表裏忠順王母十表裏王妃各八表裏
賜其都督都指揮指揮千戶二十三人有差

壬子

命故錦衣衛指揮使李正子端襲職 賜奉使亦昔
闕等處官軍錦衣等衛指揮僉事喜刺丁等六百
六十一人鈔絹綵幣表裏襲衣有差 直隸大名

府長垣縣開州保定府祁州及徐州豐沛蕭三縣
各奏七月內連雨穀莖皆傷鳳陽宿州奏六月西
河水溢滄近河田土積久不消農種無獲

上命行在戶部遣人覆視蠲其租稅

癸丑

賜泰寧衛指揮同知安忽里指揮僉事把禿不花
千戶輕牧等七十七人及陝西兆州番僧亦什歲
十等鈔綵幣表裏金織襲衣 遣內官張福等賞
勅賜沙州等衛都督因即未等官及亦昔濶地面
頭目卜花伯顏台等綵幣表裏有差

甲寅
以明日下元節遣鄭王瞻按祭

長陵

獻陵

大明宣宗章皇帝實錄

大明宣宗章皇帝實錄

宣德二年冬十月乙卯朔享

太廟遣中官祭司井之神 日生左右珥色青赤

鮮明

丙辰

上御奉天門諭少師吏部尚書蹇義等曰書云萬邦
黎獻共惟帝臣惟帝時舉蓋天下未嘗無賢者賢
者亦皆願仕在乎人君舉用之耳朕下詔求賢意
亦誠切天下之大豈無若伊尹傳說諸葛孔明者
而皆不見舉比者一二人臣所舉薦或既受職即

以賄聞或以庸鄙曠位大臣所舉如此朕何賴焉
卿以進賢退不肖為職尤當為朕留意舉能其官
惟爾之能必使野無遺賢官無廢事然後副朕意
義等頓首受命

丁巳

昏刻有流星大如盃色赤尾跡有光出女牀東北
行入閣道五鼓有流星大如碗色赤光燭地起北
河西南行至參旗

戊午

直隸大平府蕪湖縣奏今年五月久雨江水泛溢

渰官民田一百五十八頃有奇一命行在戶部遣
人覆視蠲除稅租 夜有流星大如鷄禪色青白
尾跡有光出狼星旁西南行至濁五鼓有流星大
如雞禪色赤尾跡有光出紫微東蕃西北行至濁
又有流星大如盃色青赤有尾光燭地出軒轅西
南行入星宿

己未

上諭三法司官曰今天氣嚮寒見繫罪囚非罪惡深
重者速點檢發遣勿令久淹 泰寧衛指揮僉事
脫火赤朶顏衛頭目完者帖木兒子打不乃所鎮

撫荅刺哈出等來朝貢馬以使遠夷勞陞金吾右
衛世襲指揮使馬諒為都指揮僉事羽林前衛流
官指揮使把台和尚府軍衛流官指揮使王觀俱
與世襲千百戶旗軍各陞一級

命宣府左右二衛官還宣府永樂中以二衛還官軍
屯定州後以口外少軍守備令悉還宣府而二衛
掌印指揮千百戶經歷等官及新收太原護衛官
軍三千人尚皆在定州至是指揮黃輔等言不便
於行事遂命俱還宣府蒞事罷湖廣都司都指揮
僉事張貴官謫為軍貴征進交趾逃回事覺都察

院言其法當死

上特命宥死降克軍

庚申

命太子太保陽武侯薛祿太子少傅工部尚書兼謹
身殿大學士楊榮為正副使持節冊中兵馬指揮
張本女為鄭王妃太師英國公張輔行在禮部尚
書胡濙為正副使持節冊東城兵馬指揮靖安女
為襄王妃行在戶部左侍郎李昶刑科都給事中
康健為正副使持節冊荊州左衛千百戶杜俊女為
興山王妃荊州左衛指揮僉事胡清妹為松滋王

妃命遼簡王長女江陵郡主配枝江縣趙溥子慶
命慶為儀賓賜之誥命

辛酉

夜有流星大如盃色赤有光起天柱西北行至天
厨

壬戌

賜都督張昇馬亮高成馬聚譚青都督同知程忠楊
澤任禮高文馮斌都督僉事郭志祁英李玉王敬
韓僖李通郭義錦衣衛指揮使李順劉慶中所正
千戶王曾二十人誥命時昇等同奏請授行在兵

部言武臣頒誥之例俟清理貼黃然後給授

上曰昇朕舅氏馬亮輩多効勞動錦衣衛官朝夕侍
衛左右俱與之勿拘例 改行在大理寺左少卿
李謙為饒州府知府謙初出仕廣東陸辭言不能
出口

上論行在吏部曰謙言語如此豈可在朝行俟還改
外任至是還遂改知府

賜奉使蘇祿等國回還福州左等衛千戶趙清等及
朝鮮國使臣安壽山金乙賢等四十一人鈔綵幣
表裏綿布有差 夜有流星大如盃色青白尾跡

有光出勾陳後有一小星隨之西北行入天棊
癸亥

賜朝鮮國貢使安壽山等宴 夜有流星大如盃色
黃白有光起畢西行至奎

甲子

給周府汝南新安永寧汝寧祥符鎮平宜陽遂平
封丘羅山內鄉胙城十二王歲祿各二千石內支
米五百石餘皆折鈔 巡撫陝西少師隆平侯張
信行在戶部尚書郭敦言西安等府洮岷等衛自
永樂二十一年至宣德元年逋欠稅糧米麥布絹

綿花諸色課程皮張茶鹽馬草動計五六百萬諸
府縣今歲多旱秋田無收徵納實難乞令所欠布
絹仍徵本色米麥馬草皆折收鈔及他物准作官
軍俸糧或收貯待用其宣德元年稅糧等項皆徵
本色宣德二年無災之處一體徵收有災之處糧
草乞賜蠲免

上悉從之

乙丑

擢廣西柳州府照磨曾節為行在湖廣道監察御
史趙前通判姚兼善為行在江西道監察御史二

人皆以求賢舉用陞河間長蘆監運使梅應奎為
廣東右布政使常德府知府應履平為貴州按察
使行在河南道監察御史劉昇貫為四川按察司
副使行在刑部雲南清吏司主事袁文華為山東
按察司僉事江西清吏司主事許安為廣東按察
司僉事貴州思南府通判卓禮為本府同知禮以
九載考滿赴京所屬長官司奏禮處事公平撫民
有道蠻夷得安若改授他任衆心失望且本府又
缺知府請用禮為之

上謂行在吏部臣曰蠻夷得不易馴服通判能得民
心亦良吏也其以為本府同知吏部言比以貴州
諸府事簡革同知

上曰陞之所以順民情勿拘定制復王謙直隸壽州
知州陞從四品祿謙考滿當陞以其民保留特命
復職而陞其祿改河南布政司左叅議王仲壽為
湖廣布政司右叅議浙江布政司左叅議許能為
山西布政司右叅議俱以親喪服闋無左叅議缺
故改授云前行在兵科給事中金文英親喪服闋
命復其職降四川布政司右布政使何順為北京
行太僕寺丞時監察御史劾奏順不勝任行在吏

部言當降雜職

上念

太宗皇帝靖內難時順有守城功後為紀善給事中
事仁宗皇帝最久故有是命 磁州逃民三十二
人奏初歸又遭旱災宣德元年秋糧乞優免

上謂行在戶部臣曰已有詔書免徵此必有司故違
使朝廷失信即與除豁今後更有違詔行事者重
罪之

丙寅

上御武英殿觀唐玄宗所書孝經顧謂侍臣曰堯協

和萬邦本於親九族舜紹堯致治本之克諧以孝
蓋帝王之治皆自親親始既又論玄宗歎曰靡不
有初鮮克有終玄宗之謂矣又曰漢唐諸君文帝
太宗能納諫文帝幾致刑措太宗致貞觀之治亦
皆受善言之效善言有益於君德有補於治道如
此豈可不聽

上閱三法司所上繫囚罪狀諭之曰凡監守自盜受
財枉法盜官畜產常人盜倉庫錢糧盜截實封及
犯榜例重罪者俱宥死并徒流笞杖罪悉如例輸
作凡工匠死罪鎖繫終身輸作徒流笞杖罪論年

限輸作是日決遣八百餘人 總兵官武安侯鄭
亨奏大同境外屢有烟火慮虜寇擾邊備禦軍少
大原前等衛官軍二千人比暫回山西防禦今彼
無事乞仍遣備邊

上命行在兵部以一千人益大同餘留山西

丁卯

給龍門等口及諸臺墩守備軍士胖襖袴鞋 日
生暈已而上生背氣一道色青赤鮮明昏刻有流星
大如鷄彈色赤有光起婁東南行至近濁
已已

巡按四川監察御史嚴孟衡及四川布政司叅議
李敷奏為事官韓整先領兵征番蠻受成都各衛
後征官軍銀四百餘兩馬五匹并綵段又姦汚千
百戶及軍民妻女都指揮高隆亦肆貪淫與整坐
視威州受圍三月之上不行赴援指揮吳瑄等同
坐失機併奏千戶錢宏等激變番蠻規免征進交
趾千戶尚清等亦奏番人方叛時即遣人馳報御
史三司而御史三司皆以為虛妄報至十三次方
調軍所調又皆羸弱之人兵器不備遂至賊勢滋
盛

上曰清之罪已著其言不可聽顧都御史劉觀等曰
千戶錢宏等激變番蠻韓整高隆等虐害軍民失
機誤事致使叛寇愈肆凡軍政不肅由威令不行
威令不行由已身不正朕於此輩豈可姑息周世
宗斬敗將七十餘人而軍聲大振所向克捷今須
遣御史及錦衣衛指揮公廉正幹者各一人往同
都督陳懷及三司官審問其實以聞凡有罪者朕
斷不容之乃命行在錦衣衛指揮任啟監察御史
李珏往究其實

庚午

朶顏衛百戶把孫等來朝貢馬 貴州新化府新
化蠻夷等六長官司奏貴州各府學校新立諸生
皆自童蒙入學蠻性未除學業難就若此內地府
學每歲選貢實無其人請比縣學三年一貢

上曰邊郡立學欲其從化耳豈可遽責成材宜令所
司隨宜選貢 浙江松門衛小旗諸伯聰妻史氏
一產三男命如例給賜

辛未

定蘭縣中鹽糧例准浙鹽每引納米麥三斗五升
川鹽米麥二斗先是都督李英以西寧極邊控制

番夷請廣儲積欲援洪武十九年例於西寧中監
遂命行在戶部議至是尚書夏原吉等奏蘭縣附
近黃河路當衝要且近年乾旱軍民缺食請先於
蘭縣召商中納候儲積已充於西寧開中併上所
議則例從之

壬申

上御文華殿翰林儒臣進講易觀卦大象畢

上曰古者帝王有巡狩之禮後世何以不行講臣對
曰古之君臣上下往來以通禮意至秦尊君抑臣
斯禮遂廢

上曰亦世勢不同也舜時五載一巡狩觀虞書所載
二月至東岳五月至南岳八月至西岳十一月至
北岳一年遍天下五年又去以後世觀之人君一
出千乘萬騎百姓供億不亦難乎周成十二年一
巡已與虞時不同矣况後世乎予以為治貴有實
効巡狩之禮考制度觀民風明黜陟此其大節也
誠能體古帝王之心選任賢良撫養百姓崇德報
功畢協至公不患制度不一民風不振若以後世
侍衛之衆征求之廣欲行時巡之禮難矣 鎮守
山西都督李謙奏廣昌王濟煇有病無醫

上命行在禮部即遣人馳驛往山西令布政司擇精
於醫者視療

癸酉

夜有流星大如鷄彈色赤有光起太微垣東北行
至游氣

甲戌

廣昌王濟煇薨王晉恭王第七子訃聞

上輟朝二日命有司治喪塋遣官賜祭謚悼平 福
餘等衛指揮僉事俺失塔木兒等來朝貢馬 庶
月掩五諸侯東第二星

乙亥

琉球國中山王尚巴志遣使者阿蒲察都等奉表
貢方物初阿蒲察都與浮那姑是同行異舟遇風
相失至是始至 巡按山東御史李素奏東昌等
府高唐等州所屬地方自七月初至八月終不雨
又陝西西安府咸陽藍屋興平三縣淮安府安東
清河二縣各奏今年自春歷秋不雨田穀稿死命
行在戶部下有司存恤

丙子

涼州永昌山丹王鞬官軍擺擺羅哈刺等七十家

居哈密者皆思歸令怕哈木來奏願赴京師効力
上遣內官李信林春賚勅諭哈密忠順王卜答失里
忠義王弟脫歡帖木兒俾悉遣來 陛行在鴻臚
寺序班王息為指揮僉事錦衣衛支俸不任事以
使外夷功也調行在府軍左衛指揮僉事黃鎮龍
江左衛指揮僉事劉武俱仕行在錦衣衛仍守黃
船 行在兵部奏隆慶右衛故百戶霍玉無應襲
子孫止一女年十歲當如舊例月給米五石優養
俟其適人則罷給
上從之因諭之曰 祖宗立法最為仁厚既不負前

人之功亦不使其後為無告之人思意曲盡矣凡
若此等卿等當務推行 巡按四川監察御史及
四川都司布政司按察司奏番蠻復出焚燬線竹
縣官署民居大掠人畜仍肆劫茂威等州官軍與
戰所撫鎮侯璉等死之

上曰果如吾料遂勅都督陳懷及都指揮蔣貴等進
兵勦捕 夜有流星大如鷄彈色黃赤有光起壁
西北行至車府

丁丑

陝西西寧衛淨竟弘齊大國師三丹藏卜以脩完

寺宇差刺麻完卜捕黑服等進馬謝恩 四川都
督指揮僉事高隆奏蠻寇焚綿竹諸縣官民廬舍
已移文本司增調官軍策應至今未至其奏自加
統兵官三字於銜上

上以示行在兵部尚書張本曰凡稱統兵官者必有
朝廷制諭隆四川都指揮初無制諭何得僭稱隆
罪非止一端爾即封此奏付任指揮及御史觀之
擒問畢悉具奏來

戊寅

交趾總兵官成山侯王通等大集軍民官吏出下

哨河立壇與黎利盟誓約退師遂宴利且遺利金
織文綺表粟利亦奉重寶謝 日未出有紅雲一
道起正東濁西南行

己卯

賜泰寧等衛指揮僉事脫火赤等二百一十九人朵
顏衛頭目完者帖木兒子打不乃所鎮撫答刺哈
出百戶把孫等鈔絲幣表粟金織襲衣有差仍賜
完者帖木兒鈔幣 湖廣荊州府松滋縣浙江杭
州府新城縣嚴州府壽昌縣各歲荒民乏食已借
預備倉穀賑之秋成償還官悉具數聞

上罷朝御左順門少保夏原吉等侍因語及古人信
讒事

上曰讒慝小人真能變白為黑誣正為邪聽其言若
忠究其心則險是以帝舜聖讒說孔子遠佞人唐
太宗以為國之賊朕於此等每切防閑若有其萌
必杜絕之不使姦言得入枉害忠良齊殺斛律光
國遂以弱朕常非之汲黯正顏姦邪寢謀卿等所
宜務也原吉等頓首曰幸遇
聖明在上臣等敢不竭盡愚直
庚辰

勅工部尚書黃福交趾布政使院勅曰爾福清忠正
直秉愛民之誠勛忠敬純良堅事君之節皆先朝
老成今交趾未靖發兵征討特命卿二人叅贊總
兵機務其同心協力運謀建策和輯將帥獎勵軍
士早成平定之功用安一方之眾事有當陳奏者
密封以聞往據乃誠用副隆委欽哉 東寧衛土
官百戶李耀四川建昌衛故土官指揮使安晉容
叔安均及把事張真等來朝貢馬
賜差往奴兒干都指揮僉事金聲等官軍鈔有差
改行在禮科給事中張盤為山西遼州判官時盤

自陳有疾不堪近待故有是命 行在戶部奏會
寧伯李英歲祿一千一百石其中三分米麥兼支
英家口在西寧宜於本衛支給為便從之 行在
鴻臚寺奏凡公侯伯蒙賜誥命例應上表謝恩比
者會寧伯李英忻城伯趙榮同日受誥獨英上表
謝榮無表簡慢不敬請付法司

上曰武人子弟傲惰不學故爾其宥之 是日征南
將軍黔國公沐晟等師至交趾水尾驟之高寨賊
於水陸二路俱以衆拒守道梗不通晟等督兵造
舟遣人分哨逐程而進

辛巳

陞廣西道監察御史李琦為行在禮部左侍郎雲
南道監察御史羅汝敬為行在工部右侍郎行
在鴻臚寺少卿徐永達為本寺卿行在禮科給事
中黃驥為行在通政司右通政 陞鷹揚衛指揮
僉事張凱為都指揮僉事金吾右衛副千戶田寬
為指揮僉事 行在禮部奏故都指揮牛諒等三
十三人例應賜祭從之 夜有流星大如盃色赤
有光起閣道西北行至近濁

壬午

行在鴻臚寺奏進安南黎利等所與總兵官安遠
侯柳升等書曰傑聞之孟子曰唯仁者為能以大
事小惟智者為能以小事大以大事小樂天者也
以小事大畏天者也昔當

太祖皇帝龍飛之初我安南前國王先諸國以入貢
特蒙褒獎以王章世守封疆朝貢固缺自黎季犛
作孽覆其宗祀上欺朝廷下重民苦

太宗皇帝興師吊伐一舉就平詔求陳氏子孫以奉
陳祀是時遭罹季犛之毒陳氏之族皆奔竄遠徙
故一時無從訪求今陳遺嗣有曰曷者竄身老樞

蓋二十年本國之人不忘陳氏先王之澤已求曷
於羈寓之次欲得曷繼宗祀之微百萬之心不約
而同是以利等無狀輒布狂言冒聞制閫伏干鈞
慈上奏

黼宸倘賜

天恩得循

太宗皇帝繼絕之明詔使陳氏既滅而復贖非獨曷
蒙天地大恩實一國之人蒙戴

天恩於無窮也

癸未

瓦剌部屬月魯火者來朝奏願居京自效命為試
所鎮撫賜官帶金織襲衣銀鈔綵幣綿布鞍馬仍
命有司給房屋器皿等物如例 交吐賊黎利遣
人進表及方物先是總兵官成山侯王通與賊和
遂遣指揮關忠同利所遣人進表及方物至是始
至京表曰安南國先陳王臣順三世嫡孫臣陳暲
誠惶誠恐稽首頓首上言曩被賊臣黎季犛父子
篡殺國主殺戮臣之一族殆盡臣暲奔竄老嫗以
延殘息今二十年近者國人聞臣尚存逼臣還國
衆口與臣云天兵初平黎賊即有詔旨訪求先王
之子孫而立之一時訪求未得乃建郡縣今皆欲
臣陳情請命臣自知罪在萬死抑特
天地生成大恩謹奉表上請者臣暲伏念交南之地
實為海外之邦逮于

天朝

太祖皇帝皇帝成運而臣祖父最先諸國以入朝頻年納

貢於

帝廷累世襲封于王爵頃因黎氏之稔惡致勞天討
之遠加承恩昔之渙頒求陳後以承續時宗族悉
逃而散徙在鄉里無從於訪求急撫治其人民遂

建置於州縣今土人猶念續先臣之祀幸天詔嘗
有興滅國之言漉血陳詞籲天請命恭惟

皇帝陛下乾坤覆載日月照臨溥春育而海涵霈雲
行而雨施念臣先靈久為餒鬼憐臣孤苦俾復舊
邦臣曷敢不刻骨銘心輸忠效順永永恭天之顙
顙事天之誠臣曷等無任瞻

天仰聖激切屏營之至

上覽之以示文武群臣且諭之曰昔

太祖皇帝初天下安南最先四裔朝貢及賊臣篡弒
其主毒害國人

太宗文皇帝發兵誅之固求陳氏之後立之求之不
得乃郡縣其地後我

皇考每念陳氏無後形諸慨嘆數年以來一方不靖
屢勤王師朕樂豈於用兵哉今既陳氏有後矣其
所言與之便乎抑不與便乎群臣皆曰陛下之
心祖宗之心也且偃兵息民上合天心與之便
上曰論者不達止戈之義必謂與之不武但得民安
朕亦奚恤人言其與之

大明宣宗章皇帝實錄

宣德二年十一月乙酉朔

行在欽天監進宣德三年大統曆

上御正朝受之給賜諸王羣臣頒行天下

命行在禮部左侍郎李琦工部右侍郎羅汝敬為正

使通政司右通政黃驥鴻臚寺卿徐永達為副使

賚詔撫諭安南詔曰惟

天至仁從民所欲惟君體

天順人以治者我

太祖高皇帝肇膺

天命統御華夷安南國王陳日烱首先歸誠恭效臣節逮其後嗣始終一心既為賊臣黎季犛所弑篡陳氏之位屠陳氏之宗毒害國人罔所訴告我太宗文皇帝命將出師往致天討除殘繼絕實本聖仁其黎季犛父子咸已生擒而陳氏之後歷詢國中久而未得乃命郡縣其地置吏撫綏越歲既久所置之吏撫馭乖方致其勿靖復勤師旅為天下主詎忍一方久受其故夙夜在念圖惟輯寧今總兵者以安南頭目黎利等之詞來聞謂前國王陳氏遺嗣有存人思其先請命承繼永命職貢覽

詞懇切良契朕懷宜敷

恩命與之維新凡交趾大小官員軍民人等有犯罪無大小咸赦除之前安南國陳氏之孫令頭目耆老同其實未聞即遣使冊封朝貢仍遵洪武舊制總兵官成山侯王通等即率官軍各回原衛所交趾都司布政司按察司衛所府州縣文武官吏旗軍人等各帶家屬回還鎮守公差內官內使悉皆回京於戲興滅繼絕上承祖宗之心偃兵息民覃霽乾坤之德特茲詔示宜体至懷琦等行入賜鈔五千貫

勅諭交趾頭目黎利等昔安南在我

太祖高皇帝統御之初首先效順敬修臣職始終不
違逮其賊臣黎季犛父子篡弑其主殲及陳族毒
虐國人侵害隣境我

太祖文皇帝上體

天心發兵弔伐蓋將除殘繼絕用寧一方罪人既得
而詢求陳氏子孫歷久弗獲乃命郡縣其地設官
撫綏歲月寢遠撫綏之人賢否不齊民用弗馴復
屢師旅屢歷寒暑兵甲未息朕惟四海之民皆吾
赤子為民父母其恐一隅獨淪墊溺夙夜在念圖

安輯之今總兵者以爾等書詞來聞謂前安南王
陳氏子孫今有存者請循

太祖文皇帝繼絕之命陳詞懇切有契朕心夫帝王
之道順民為治言苟利衆必俯從之下詔大赦交
趾悉與新令頭目耆老具陳陳氏見存子孫之實
來聞遣使冊封今遣侍郎李琦等賞勅諭爾自今
宜安民保境以副朕體

天愛人之意欽哉 遣都指揮張凱指揮僉事田寬
賚勅諭總兵官成山侯王通右叅將都督馬瑛等
曰今得總兵官安遠侯柳升進至安南頭目黎利

等書及前安南王嫡孫陳嵩表祈請復陳氏之嗣
悃款切至有契朕懷朕為天下主四海萬邦之人
皆欲使之安生樂業豈忍交趾獨受其弊比者其
人弗請亦由有司失於綏撫而虐使之寃其本心
有可矜惻今已悉從所請已頒詔赦與之更新勅
至卿等即率領官軍人等悉皆回還

丙戌

上御左順門諭行在工部尚書吳中曰今天氣已寒
各處軍士在京用工者悉罷歸休息令明年二月
復至瓜哇國王楊惟西沙遣使臣亞烈浪里蠻

等奉表進馬及方物朶顏衛頭目把孫伯顏泰寧
衛頭目也先花來不朝皆奏願居京自效命把孫為百
戶也先不花為試所鎮撫賜冠帶銀鈔金織襲衣
綵幣鞍馬仍命有司給房屋器皿等物如例

賜琉球國使臣阿蒲察都等鈔幣表裏有差

命行在戶部凡官軍餘丁民人自虜中脫回收充
御馬監勇士者原籍原衛戶內人丁成復其役
曉刻辰星犯氐東北星光芒相接

戊子

命遂安伯陳英少傅兵部尚書兼華蓋殿大學士楊

士奇為正副使持節冊南城兵馬指揮蕭忠女為
淮王妃

庚寅

行在刑部都察院奏原審復重囚應秋後處決今
秋已過請處決如律

上命行在大理寺臣曰今欲其死更加審覆毋俾冤
抑

辛卯

賜都督冀傑都督僉事李吳梁成張廉五凱陳景先
王真劉昭府軍前衛指揮使孫繼宗孫紹宗指揮

同知孫顯宗孫續宗指揮僉事胡安十三人誥蓋
持恩云

命故泰寧衛都指揮僉事俺失塔木兒陝西西寧衛
職賜福餘衛指揮僉事俺失塔木兒陝西西寧
衛刺麻完卜捕黑斡等四川建昌衛故土官指揮
使安普容叔安均及把事張真等東寧衛土官土
百戶李耀等鈔絲帶表裏紵絲絹有差驛報安
遠侯柳升等沒于賊

上曰朕以升前在交趾熟知地利人情是以用之然
恐其恃勇而驕故切誠其持重且謂賊無他技惟

設伏詐降以誘敵必非不用朕言致有此失此升
負朕也歎惋久之

壬辰

行在通政司奏湖廣麻城縣遣人奏事不應以奏
案同進請罪其官吏

上曰一時之誤耳非有奸弊其宥之

癸巳

旌表孝子王綱張繼宗節婦鄭氏等八人綱鳳陽
定遠人奉母至孝母病躬侍湯藥母沒哀毀水漿
三日不入口既葬不茹葷飲酒廬墓三年繼宗應

天府江寧縣民篤親于事親服勞奉養晨昏不廢母
疾嘗糞以候差劓事間俱旌其門曰孝行鄭氏楊
州府儀真縣民徐觀妻年二十五夫亡撫幼子孝
養舅姑誓不再嫁章氏福建建安縣民魏壽孫妻
夫亡遺腹生一子舅姑憐其年少欲改嫁之章誓
不從奉舅姑甚謹守志益堅李氏廣東廣州衛百
戶曹欵妻年少夫亡育二子孝養舅姑守節四十
四年崔氏永平衛卒楊成妻年二十八歲而寡奉
養舅姑撫育孤子不二其志黃氏四川合州民程
鳳儀妻年十八而寡誓不再嫁養姑撫子姑沒鬻

查具營壘負苦守節至老包氏和州民高化保妻
夫亡年少家貧躬事蚕績養姑撫子姑沒親隣其
貧為助殯壘包携子廬墓傍朝夕哀哭久而不衰
趙氏順天府涿州民馬順妻年二十七夫亡嫡庶
二姑俱老子幼家貧歲飢採鱸而養守節三十九
年杜氏淮安府山陽縣民王彥享妻年少寡居誓
不易志養舅姑撫幼子至于成立事間俱旌其門
曰貞節 巡撫陝西蔭平侯張信等言陝西西
安鳳翔諸府歲輸糧草於寧夏甘肅洮河岷州諸
衛道踔險阻運致為艱民往往賣金帛就市納狻

點之徒包攬費用通同官吏虛出實收倉無儲積
皆由於此蓋以各衛僻遠更無官司與之論校得
以恣意妄為無所忌憚乞於布政司按察司各增
置堂上官二員專令于彼監視有作奸者不限職
之大小擒治以律其諸有司亦請增官一員專理
糧草如此則奸邪斂迹事亦易集

上命行在戶部計議尚書夏原吉等言有司各增官
一員濫矣布政司按察司皆增二員監視宜允所
言至於擒治不限職之大小於

祖宗之法有違若事干軍職及文資五品以上官必

先奏請

上從之因諭吏部尚書蹇義等曰方面增官蓋出權宜若用非其材反能害事宜選清廉直幹之人庶克有濟 曉刻有流星大如鷄彈色亦有光起角東北行至天市東垣

甲午

賜都督把台姓名曰蔣信錦衣衛指揮哈只曰李誠把台忠勇王金忠之甥哈只始以翻譯得官至是皆有旨給誥兵部奏未賜姓名故有是命

乙未今

上皇帝生

上之長子也日下五色雲見 赤斤蒙古衛千戶賽

夫丁未朝奏願居京自效賜金織襲衣綵幣鈔布

仍命有司給房屋器皿等物如例 賜瓜哇國使

臣亞烈浪里蛮及頭目入致麻勿等鈔紗羅紵絲

襲衣有差加賜浪里蛮及頭目人等十一人冠帶

仍賜浪里蛮等五十五人鈔絹酬其自貢物直且

命賫勅及文綺紗羅歸賜瓜哇國王及妃命禮部

遣人送至廣東遣行

丙申

兩淮都轉運鹽使司判官楊陵奏本司所屬富安
等二十九場鹽課司歲辦小引鹽七十萬五千一
百八十引竈戶每丁歲納鹽二十引引重二伯斤
每歲煎辦春夏秋三時過天開霽晒灰取酒鹽時
燒熬冬寒則採薪草以備來歲之用灶丁老幼歲
無寧時洪武間例免灶戶謀役永樂初又申明舊
章優免如例比來有司槩令養馬當差不獲安業
以致鹽課日虧累及官民乞申飭所司遵洪武永
樂舊例優免庶民無重役鹽課可足從之
戊戌

和寧王阿魯台遣使臣都指揮僉事把虎及陝西
岷州衛番僧喃哈監藏等來朝貢馬
己亥以今

上皇帝生赦天下詔曰朕以菲德祇膺鴻圖惟
祖宗創業之難惟今守成之匪易致勤夙夜罔敢怠
寧億兆之繁殫心于和輯

宗社之重永念於繼承善慶有原祥應茲協陽德初
復長子肇生邦家之本攸陰中外之心咸屬宜施
霽澤輒被多方今大赦天下所有合行事宜條示
于後一各處稅糧鹽除宣德二年十一月十五日

以前未完者依例徵納其宣德三年稅糧以十分
為率蠲免三分一自宣德二年十一月十五日以
前通年拖欠諸色課程鹽課茶課各處追陪孥牧
虧欠倒死馬騾牛羊等畜官軍騎操領養馬騾驢
牛羊倒死者及通年拖欠蘆柴納欠銅鉄顏料膠
漆竹木等物追陪未完段疋等件盡行蠲免一自
洪熙元年六月十二日以後宣德二年十一月十
五日以前軍官及旗軍將軍力士校尉舍餘_單丁除
犯反叛黨惡不宥外其餘有犯發各處立功哨瞭
及充軍等項者並送兵部查理復其職役官調衛

所一自洪熙元年六月十二日以後宣德二年十
一月十五日以前文官有犯發充吏役承差者悉
送吏部量才授職但犯贓罪者不在其例一自宣
德二年十一月十五日以前見任文武官員總小
旗有因事停罷俸糧者詔書到日為始如舊開支
一自宣德二年十一月十五日昧爽_以前官吏軍民
人等皆有犯除謀反大逆謀叛子孫謀殺及毆祖
父母父母妻妾殺夫奴婢殺主謀故殺人鹽毒厭
魅毒藥殺人強盜殺人妖言不赦外其餘已發覺
未發覺已結正未結正罪無大小咸赦除之敢有

以赦前事告言者以其罪罪之一各處犯人各下
自宣德二年十一月十五日以前見追未完侵盜
糧草及一應贓物詔書到日悉皆免追一逃軍逃
因逃匠人等詔書到日為始限兩月內赴官首告
與免本罪軍還原伍民還原籍匠復本業一各處
八戶自宣德二年十一月十五日以前在逃者詔
書到日為始限三月內赴所在官司首告與免本
罪各回復業戶下逃年所負錢糧盡行蠲免仍免
其差役一年有司官吏糧里老人善加撫恤不許
指以索取錢債為由因加擾害違者罪之一軍民

中有鰥寡孤獨者所在官司依例存恤勿令失所
一軍民中有男婦八十以上者詔書到日所司人
絹一疋綿布一疋綿一斤酒一斗肉十斤米一石
一文武官有危害軍民者許被害之人一依大明
律自下而上陳告如所司不理許赴按察司巡御
史處告理如又寃抑方許指實赴京陳訴不許擅
自綁縛違者罪之於戲承序以長用昭萬世之傳
推德及人弘敷四海之福故茲詔諭咸始聞知

庚子

命南京法司不得理在外訴訟時奸偽之徒欲誣陷

良善多構虛詞赴南訐告南京法司輒遠問致有
濫死無辜者

上聞之命行在刑部都察院移文禁止凡有告訐者
俱送北京惟京城軍民詞訟訐其鞫問 夜有流
星大如鷄彈色青白有光起於東南行至游氣

辛丑

西寧衛都指揮同知陳通等招撫曲先衛指揮散
郎思等四萬二千餘帳皆復業以其指揮僉事失
刺罕等入朝貢馬謝恩初散郎思等與烏思巴仇
殺遇朝廷遣使入烏思藏散郎思等乘亂肆劫奪

既而惧罪皆逃徙遂遣通等往撫安之至是還
上謂行在兵部尚書張本等曰人誰無過過而能改
則復於無過何況遠夷宜待之如初

壬寅

太師英國公張輔等率文武百官上表 請立

皇太子曰

天眷

皇明肇生

聖子伏望

皇上早頒冊命正立東宮以奉國家 宗社萬萬年

之統謹奉表陳請者臣輔等誠懼誠忤稽首頓首
上言伏以

皇明統御隆萬歲之洪圖

列聖繼承重國家之大本崇祖宗之統係海宇之
心誠帝王之遠謨古今之通誼也恭惟

皇帝陛下天地之大日月之明文武聖神普萬方而
主宰禮樂教政大一統之雍熙茲荷

天地儲祥宗社弘慶肇生

聖子隆景運于國家比承德音懽騰聲于中外臣等
重惟君國之道必以建儲為先伏望

聖明俯賜俞允早正儲貳之位用副臣民之心日照

月臨仰

皇明之如日天長地久祝聖壽以齊天上表請
於

皇太后曰坤元厚載佑國家於隆長至德儲祥衍子
孫於繁盛惟天下之大本仰

宸慈之贊成正統相傳萬世咸戴恭惟

皇太后致下慈仁恭懿端一誠莊文世興周

聖德重光于今日塗山啟夏成功載顯于明時今皇
宮肇育於聖孫在典禮宜于儲位此古今之通

誼誠國家之遠謨臣輔等深切惟心恭陳誠悃冀
從輿議俯賜俞音贊金冊之弘宣命青宮之早建
前星明麗昭四海之雍熙洪福綿延慶萬年之長
樂 凡刺順寧王脫惟遣使臣把把的遼東自在
州指揮僉事亦領哈等來朝貢馬及方物

辛卯

勅諭文武群臣曰覽表具悉卿等忠誠夫儲貳之
任國家之本所係甚重顧今幼齡未可俞允 是
日太師英國公張輔等復率文武百官上表請曰
聖人在位天恩溥一視之同仁

皇嗣肇生國本正萬年之統華夷均慶中外同惟恭
惟

皇帝陛下尊臨大寶統御萬邦 聖德允合于

天心仁恩廣敷于海宇 祖宗衍慶

天地毓祥

聖子之生所以承大統儲位之建所以係衆心此天
地之常經古今之通制臣等陳辭冊陛請建東宮
聖德惟謙未賜俞允國計所重謹再敷陳伏望

陛下俯徇輿議早賜綸音渙頒金冊陰萬世之洪圖
瞻仰紫宸祝齊 天之聖壽 復上表請于

皇太后曰位尊長樂隆萬福于本支 天佑

皇明衍萬年之寶曆是宜早頒冊命正位東宮此天

地之常經帝王之通典也恭惟

皇太后殿下德高任姒化被家邦荷

天心隆眷于天朝肆

聖皇篤生于 聖子前星煥炳少陽光輝為神人之

依歸重國家之根本誠宜副位宸極隆繼

宗祧于以係億兆之歸心于以承太平之景運臣等

合詞上請未賜 惓切之忠再用陳達伏望早頒

慈音力贊洪猷豫建之于儲闈誠永遠之大計

皇圖如日

聖壽齊天

甲辰

勅諭文武羣臣曰覽表具悉卿等摠忠國家陳詞懇

切夫儲副之重大本係焉必俟年既長進其學問

成其德性乃堪負荷今之所請未可俞允 是日

太師姜國公張輔等復率文武百官上表請曰建

立皇儲所以致隆國本表正天序所以茂衍鴻圖

此帝王之通制萬萬年一定者也恭惟

皇帝陛下文武聖神聰明睿智承

列聖之寶緒履 九五之至尊敬事

天地誠格 宗廟仁育萬民恩覃四海弘德教之敷
致禎祥之盛肇生聖子邦家之本攸隆徵諸大經
儲副之位宜建臣等再三表請未荷 允俞稽自
昔之為君成率循于茲道遠我 祖宗之世實
皆致重于斯 太祖高皇帝行之初即位之日
太宗文皇帝行之于即位再期之初時 仁宗昭皇帝
行之于即位兩月之間以今較昔蓋已後期伏望
皇上早頒冊寶正名定分重國家之大統係天下之
人心

宗社萬萬年之福生民萬萬年之安

復上表請于

皇太后曰國家以建儲為先帝王以繼統為重實萬
世經常之典係四海歸戴之心恭惟

皇太后殿下

聖德昭明仁恩廣厚隆

母儀之尊於天下輔

皇家之祚於萬邦維未建于春宮實有闕于

宗社臣等再陳表請皆未允俞自昔帝王歷代之所

必行逮我國家

列聖皆為重務伏望垂鑒忠懇力贊

聖明冊命早頒懽觀前星之瑞

皇圖永固世承長樂之恩

亦力祀里至思王遣使

臣滿刺法黑兒者罕等未朝貢馬使臣亦而進馬
命遣金吾右衛指揮同知朱從善子名旗手衛指揮
同知張勝子貴龍職 定萬全中鹽例初鎮守萬
全右衛都指揮黃直言奉衛地臨極邊路當衝要
宜廣儲蓄以備不虞舊嘗召商中鹽每引納米四
斗則例既重商旅不至若如宣府大同酌量輕減
則人必爭趨軍儲可充

上命行在戶部議至是請于萬全左右二衛開中淮
浙鹽每引納米三斗不俱次支給從之 司禮監
太監侯^泰有罪下獄初山東官吏軍民奏高煦反

上命泰贖書諭之且察其所為泰還力言高煦無反
狀

上已疑泰高煦既就執亦置泰不問泰復命於直隸
選駙馬擅作威福凌虐職官杖義勇前衛經歷董
純至死又受罪人贓賄事覺

上因記憶前事諭都御史劉觀曰渠嘗力言高煦不
反幾誤大事今所犯猶未務此人更不可用亦不
可貸遂下獄 北京太僕寺官奏請遣官閱孳生
馬

上諭之曰馬畜於民間必寬民力而後可責成效國

家立法固有定規其孳生不及數者亦屢下令免償未嘗以馬傷民比因有司督責償馬人訴艱難乞於來年秋成買償亦皆從之蓋農民終歲勤動以營衣食又有償馬之費甚可憫也爾等但率舊典以示勸懲民有貧難者宜寬恤之 貴州總兵官都督蕭授奏水西宣慰司頭目阿閉防宜作亂奉旨遣人撫諭不服調軍勦之其旁近諸寨頭目底蘇等請自以計除之今既就戮惟西堡蠻賊阿骨等勢猖獗請令貴州都司以所屬官軍三萬九千勦之

上諭行在兵部臣曰以蠶賊而多調官軍豈惟勞衆抑且擾民姑令撫諭彼若負固不服豈無厭亂若底蘇者 湖廣荊州府奏衡陽衡山二縣民四千八十五戶歲荒缺食借給官米八千二百七十五石 湖廣衡陽縣奏今年六月初八日大雨至十四日止江水泛溢漂流居民淹沒田稼命行在戶部行布政司按察司督府縣優恤 夜有流星大如鷄彈色青赤有尾光燭地出閣道西北行至雲中

勅諭文武羣臣曰卿等秉忠誠於國家期永安於宗社請建儲貳援引明切欽承

皇太后聖訓實同輿言今允所請其令行在禮部具儀擇日以聞陝西洮州衛僧綱司都綱管著藏下等奉朝貢馬

戊申

以明日冬至遣鄭王瞻埈祭

長陵

獻陵

上諭行在工部尚書吳中曰明日冬至凡用工人匠皆與假二日至正旦與假四日著為令

己酉

冬至節

上御正朝受朝賀大宴文武羣臣及四夷朝使

皇太后 皇后免文武百官命婦朝

庚戌

寧夏總兵官寧陽侯陳懋奏靈州千戶所城壇舊距黃河三里今河水衝激切近城下恐致崩陷難於守禦城東有地高爽寬平請徙城于彼

上命行在工部遣官覆視果當徙俟來春用工

辛亥

琉球國中山王尚巴志遣使臣魏古渥制等奉表
貢馬及方物

壬子

陝西岷州衛疊州山麻等簇番僧頭目失勞星吉
來朝貢馬

癸丑

朝鮮國王李禔遣陪臣李思儉等來朝貢馬方物
賜和寧王阿魯台使臣都指揮僉事把禿等八十
九人及陝西岷州衛番僧喃哈監藏等鈔綵幣表
裏絹靴襪有差 是日掌交陞布政司事工部尚

書黃福還至廣西之龍州初柳升既死福奔回至
支稜關為黎利守關者所獲福即欲自殺守關者
力止之皆羅拜曰公交民父母也交民今延頸望
父母公可自殺耶利聞之曰朝廷遣治交陞使人
人如黃尚書民皆得安兵不復興矣遣人馳往守
護待以厚禮曰即奉送公還朝遂遣頭目阮孚禮
送出境

大明宣宗章皇帝實錄

大明宣宗章皇帝實錄

宣德二年十二月甲寅朔

上省郊祀牲

乙卯

行在禮部上冊立

皇太子儀注一先日照告

天地

宗廟

社稷一前期鴻臚寺設節冊寶案于

奉天殿中冊東寶西節居中設綵輿于冊陛之東尚

寶司設寶案教坊司設中和韶樂及大樂是日早
錦衣衛設鹵簿大駕

上服皮弁服御華蓋殿執事官行五拜三叩頭禮畢
鴻臚寺官請陞殿導駕官前導

上陞座尚寶司以寶置于案鳴鞭文武百官具朝服
行叩頭禮左右侍班引禮引正副使入就拜位贊
四拜傳制官跪奏傳制俯伏興執事官舉節冊寶
案由殿左門出置御道中傳制官由左門出稱有
制贊正副使跪制曰宣德三年二月初六日冊立
長子為

皇太子命卿等持節行禮贊俯伏興又四拜禮畢執
事官舉節冊寶置于綵輿中黃蓋送至左順門外
正副使朝北而立內官捧節冊寶由正門入文華
門內侍引

皇太子出迎至文華殿內官以節冊寶置于案內官
贊四拜贊宣冊贊詣冊案前贊跪宣冊內官立宣
訖贊授冊捧冊內官以冊授

皇太子受冊訖以冊授內侍內侍跪授立于西贊授
寶捧寶內官授寶如授冊之儀贊俯伏興平身復
位贊四拜禮畢內官持節由正門出至左順門外

以節授正副使報禮畢正副使得報持節復命一
領詔候冊命行在鴻臚寺官即設詔案于

奉天殿中唱頌

詔翰林院官以詔授禮部官置于案奉迎至承天門
開讀如常儀一謁告禮是日

皇太子受冊寶畢內侍引詣 奉先殿謁告如常儀
一謝恩禮是日

皇太子謁告畢內侍引 皇太子詣

皇太后前行八拜禮次詣

上前 皇后前行八拜禮畢又詣 貴妃前行八

拜禮畢回宮一次日文武百官俱朝服上表賀陳
設如常儀

上具袞冕御華蓋敕親王先行八拜禮賀次執事官
行五拜叩首禮畢鴻臚寺奏請陞殿導駕官前導
進表行禮如正旦儀一親王於

上前行賀禮畢次詣內殿

皇太后前賀行八拜禮畢詣 皇后前賀行八拜禮
又詣 貴妃前賀行四拜禮一

皇太后禮服陞內殿受內外命婦賀禮外命婦進表
陳設如常儀 皇后禮服陞內殿受內外命婦賀

禮外命婦進箋陳設如常儀 貴妃禮服于中宮
受內外命婦賀禮外命婦進箋陳設如常儀一文
武百官進箋賀 皇太子陳設如常儀

上覽之謂尚書胡濙曰皇子尚幼冊使奉冊寶至左
順門授內臣捧入其免羣臣賀禮侍臣進講貞觀
政要

上曰唐太宗致治之美庶幾成康實本乎此予嘗反
覆是書謂安天下必須先正其身未有身正而影
曲^上理而下亂者謂治國猶栽樹根本不搖則枝
葉茂盛君道清淨則百姓安樂皆要語也

丙辰

命進武伯朱冕行在禮部尚書兼華蓋殿大學士張
瑛為正副使持節冊西城兵馬指揮周羨之女為
荆王妃

丁巳

賜鎮平王有曠宜陽王有焮冠服儀仗 朵顏等
衛指揮僉事阿失帖木兒等來朝貢馬

上閱行在吏部尚書蹇義今貪賍官過赦者例罷為
民對曰是 上曰罪狀明白者如^例果若獄未具虛
實未明改用之使自新 從永寧荆子村東墩於

東北山頂自鎮南口至寧川墩增置二墩又置長
生口墩從指揮呂信所奏也

戊午

遠鎮遠侯顧興祖至行在十四道監察御史胡啟
先等六科給事中賈諒等劾奏興祖自鎮守廣西
以來暴虐貪婪怠慢廢事不援交趾致失地喪師
盜賊猖獗又斬轉從賊首詭奏首賊隱匿賊屬謂彼
逃散上欺朝廷下失人心請正國法

上命執於午門外三法司同公侯伯都督訊之興祖
承伏還奏

上命侯王道等至通諭其罪

己未

上諭行在戶部尚書夏原告曰都督蔣信自遠未歸
非有贖產可仰給自今月俸給全米 陞錦衣衛
指揮僉事論其使亦力把里之勞也 寧夏總兵
官寧湯侯陳懋言寧夏邊城重鎮兵戎宜廣儲蓄
而軍士糧餉皆仰給陝西有司餽運道途險遠民
力艱難常以不足為憂請如岷洮事例令河南山
西罪囚納米於寧夏贖罪以實邊儲從之

庚申

賜兀剌使臣把把等六十七人及遼東自在州指揮僉事亦領哈哈等鈔幣表裏絹靴襪有差 貴州普定衛西堡長官司蠻賊阿骨阿哈等為亂庶寨長官司蠻賊干炒聚眾殺人劫財都司衛豐寧長官司蠻賊羅父蕩燒毀解字殺土官家屬平越衛谷旺苗賊甲農甲恕清平長官司平右等寨蠻賊阿夜谷把寨苗賊革子裸普安州蠻賊魯羊各聚眾造亂擅殺招撫百戶張福等附近四川筠連縣諸處蠻賊羣聚劫掠巡按監察御史貴州三司以聞 上勅都督蕭授及三司御史先遣人招撫

如其不從則調軍剿捕

辛酉臘節賜文武羣臣宴 賜亦力把里歪思王使臣滿刺法兒者罕等二百五十九人及陝西洮州衛僧綱司都綱管着藏卜疊州番僧頭目失勞星吉等八十八人銀鈔絲帶表裏紗羅紬絹有差仍賜滿刺法兒者罕紗絹酬其馬直

壬戌賜琉球國使臣魏古溼制等鈔幣表裏靴襪有差 大同總兵官武安侯鄭亨奏高山等衛軍士今調陽和等衛備禦所帶原牧馬計二千六百三十餘匹綠陽和極邊無官給草糧馬多瘦死請

均大同八衛有力之家孳牧從之

癸亥陝西臨洮府普覺妙濟國師領占藏卜遣僧
割石監藏四川東川軍民府故土官知府阿得妻
攝克遣叔阿圭等貢馬 永昌等衛上韃軍滿次
亦刺思倒刺紗馬黑木等逃出境復還滿刺亦
刺思奏願居京自効馬黑木願于天津衛隨營居
住各賜襲衣紗布仍命有司給房屋器皿等物如
例 賜亦力杞里歪思王等處使臣滿次法黑兒
者罕等宴 行在戶部郎中王良奉命於宣府諸
衛理糧劬奏總兵官都督譚廣拜進表箋不於

公解而就私家陳設龍亭儀仗於禮有違當逮問
上諭行在禮部臣曰邊將但能嚴飭守備以副任使
可矣不必一一繩以禮法 內官張善伏誅善往
饒州監造磁器貪黷酷虐下人不堪所造御用器
多以分饋其同列事聞 上命斬于都市梟首以
徇 夜有流星大如碗色青赤光燭地起奎西北
行至天津炸散

乙丑起陝西行都司致仕都指揮僉事呂均視事
均舊總步兵二千操備後以年老就閒至是本都
司言均雖老然在邊日久熟知地里險要請令總

原操步兵備邊 上從之

丙寅朝鮮國王李禔遣陪臣李思發等奉表貢金銀器皿及方物賀 萬壽聖節

丁卯陝西岷州等衛國師班丹領占遣刺麻失勞
兀西寧衛大國師三丹藏卜遣其徒失刺監歲及
疊州叔朵簇故千戶恰卜子板的肖答吉等簇番
僧簇頭本卜節等貢馬 陛行在工部營繕清吏
郎中黎澄為本部右侍郎食祿不視事

戊辰陞曲先衛指揮使散即思為都指揮同知其
下指揮千百戶鎮撫頭目陞職有差年老及已故

者 命其子弟襲代皆給誥命 以招撫典先功

陞安定衛指揮同知阿刺乞已為都指揮僉事其
下千百戶鎮撫頭目陞職有差皆給誥命

己巳陛行在山西道監察御史俞鼎為行在大理
寺右寺丞楊復為左寺丞 陞貴州右叅政王敏

為右布政使敏任職九年考績赴京諸掌官司以
其寬恕公平奏請留之 上謂行在吏部臣曰蠻

夷不易懷服彼既與之相安即為稱職其陞為右
布政使調四川按察司副使胡永成為陝西按察
副使擢進士繆讓黃成劉伯大為行在監察御史

讓福建道成湖廣道伯大江西道以前北京留守
行在後軍都督府都事張昇行在左軍都督府都
事朱禮江西按察司檢校衛鎮栞州民王熙為行
在監察御史史昇禮山東道鎮陝西道熙江西道
西安府檢校李讓順德府檢校孫冕為給事中讓
禮科冕科皆以求賢舉也行在鴻臚寺右少卿趙
泉親喪服闋至是命復職復張政山西按察使雷
春廣東潮州府知府政初坐擅縱罪囚逮至以情
自陳上宥之俾復任召按察使鄭辰還京春在
潮州九年任滿赴京當陞民奏留之故命復任而

陞正三品祿改通政司右叅議孫瑛為湖廣德
安府同知以山西監察御史楊禮不明憲綱改江
西瑞州府推官 設西寧衛儒學雲南姚安軍民
大姚縣僧會司置僧會司一員 增置廣西宣化
縣卹南寨巡檢司土官副巡檢壹員

庚午朝鮮國王李禔遣陪臣文貴等表文及方物
賀明年正旦至 命故府軍後衛指揮同知黃斌
侄孫瑛羽林前衛指揮僉事王貴弟聚襲職以旗
手衛指揮僉事楊安老疾命其侄清代 行在禮
部奏永樂十六年

太宗皇帝定制凡願出家為僧道者府不過四十人
州不過三十人縣不過二十人額外不許濫收俟
五年後考試如果精通經典給與度牒今天下僧
道行童赴京請給度牒者多係額外濫收且不通
經典者多請如例悉遣歸若係額外之數亦待五
年考試給與後之 交趾總兵官成山侯王通等
既與黎利盟又聽利以陳嵩表入奏是日通不俟
朝命遂率師出交趾由陸路還廣西太監山壽與
陳智等由水路還欽州凡交趾三司文武官員旗
軍吏典承差人等及家屬還者八萬六千六百四

十人然亦有為黎利閉留而不遣者

辛未昏刻有流星大如鷄彈色赤有光起滇女西
行至游氣

壬申罷行在通政司右通政秦川陝西布政司右
叅議潘弘為民困行在吏部言川等皆犯贓經赦
用否請自

上裁上曰犯贓豈可復用故悉罷之

癸酉賜朵顏衛指揮僉事阿失帖木兒臨洮府僧
劄石監藏等及四川東川軍民府土官知府阿主
等鈔綵幣襲衣靴襪有差 直隸淮安府淮陰驛

及淮安遞運所奏舊設衙門皆在淮安新城東門外今開清河閘使客經過相隔十餘里應接不便請移置於舊城西門外送之

甲戌福餘衛韃韃速昇哈未歸奏願居京自劾命為所鎮撫賜金織襲衣綵幣銀鈔綿布鞍馬仍命有司給房屋器皿等物如例 釋山東按察司虞信僉事韓璽李涵復職初璽奏信涵不應事法司速問璽涉虛應徒信等不奉行鈔法應杖

上以其絰赦俱釋之 行在大理寺少卿王文貴等奏此請決重囚欽遵

聖諭再審錄今犯者皆伏辜遂上其情罪

上親視之命文貴等曰其中情重者決如律情可矜者發戍遼東如重罪臨決復有稱寃者再鞠審實以聞若敗壞倫理鞠得真實雖絰赦不宥山東解州奏漢壽亭侯關羽廟在祀典歲久損壞俟農隙具材修葺從之 長隨內使喜安坐誹謗伏誅夜月生交暈隨生左右珥又生白虹貫兩珥色皆蒼白

乙亥賜朝鮮國使臣李思儉等鈔幣表裏有差丙子陝西河州衛國使^師端竹領占遣其徒鎖南領

占烏思藏禪師羅元刺遣刺麻遠丹等貢馬及方
物復舉行捕盜法行在言曩者霸州固安盜賊
為患 皇上命御史監錦衣衛官巡捕令所在
軍民編為什伍置州縣警鋪嚴察慎防盜賊屏息此
者通州等處盜賊復作請如故事遣^遣官巡邏申明
禁捕從之

丁丑

上御奉天殿謂行在戶部尚書夏原吉曰今年秋陝
西亢旱秋田無收其軍屯子粒民間秋糧俱以蠲
免比聞軍民之中多因缺食流離豈可不恤其令

有司開倉賑濟仍於南京運絹五萬綿布十萬足
令隆平侯等用心拯救勿令失所 宥喃哈監剽
死罪喃哈剽者烏思藏怕木竹巴灌項國師闡化
王所遣使也初歸至西寧與驛丞子爭鬪殺其子
事聞

上以其遠人特宥之遣還仍勅闡化王諭令改過行
在戶部奏迺召商于遼東廣寧衛中納鹽糧淮浙
鹽每引納米三斗五升道里險遠轉運甚艱途中
者少請如萬全右衛例每引納米三斗從之

己亥

勅少師蔭平侯張信尚書郭敦日聞陝西軍民困于旱傷衣食窘乏流離轉徙朕聞憫焉已勅行在戶部于南京運絹五萬疋綿布十萬疋來賑濟可即與三司預計其尤艱難者均給之其一切科徵及不急之物皆停止凡軍民事有不便者悉具以聞
庚辰

釋松潘衛指揮吳瑋罪令復職勅之曰曩遣都指揮蔣貴等同爾撫番蠻而四川三司及巡按御史皆言爾失稅於威州朕續聞之非爾之咎今復爾原職聽總兵官都督陳懷等調遣惟爾於番夷情

偽山川要害能諳之宜賁勇輸忠贊輔主將以遏寇盜以安邊民如不感恩思報而違朕命罪不可逭

壬午

陞廣西丘溫衛土官指揮僉事黃珙為廣西都指揮僉事

上諭行在戶部尚書夏原吉曰昨聞閩中饑甚已命有司發廩又命卿出京庫布帛往賑之退而自思此皆朝政闕失所致因作詩書愧卿亦當與朕同憂也詩曰閩中歲屢歉民負無所資郡縣既上言

能不軫恤之周禮十二政散貨首所宜給事帛遣
使者發廩飭有司臨軒戒將命逆往毋違：下命
苟或後施濟安可期吾聞有道世民免寒與飢循
已不違寧因詩書愧辭
癸未歲暮享

太歲 以明日正旦遣鄭王瞻竣謁告

長陵 獻陵遣官祭五祀及旗纛之神 是歲天

下戶口九十九萬九千九百六戶五千二百
七萬八百八十五口田地三百九十四萬三千四
百四十三頃二十二畝田賦米麥三千一百二十

五萬一百一十石有奇絲一十七萬九千一百四
十四斤綿二十三萬三百七十八斤絹九萬一千
一百七十九疋布一十二萬九千七百二十疋綿
花二十三萬七千九百六十八斤折色鈔七萬七
千一百三十三錠有奇襍課鈔一千六百九十八
萬八千六百三十八錠米麥七萬三千九百五十
一石銀四千四百二兩銅二千一百二十九斤鉄
四十八萬八千五百九十八斤有奇布二百七十
六疋鹽課鹽三百五十六萬三千二百七十七引
折色鈔二千二百二十一萬八千四百三錠米六

十七萬七千八百一十五石綿布七萬一千五百
二十九疋有奇茶課茶六十三萬二千四百三十
五斤折色鈔一萬五千一百六十四錠屯田子粒
四百六十萬九千二石採納金四百八十三兩銀
十八萬五百三十八兩水銀三千四百四十七斤
硃砂五百九十八斤石綠二千四百六十八斤有
奇雄黃一百四十七斤漕運北京米豆三百六十
八萬三千四百三十六石減免天下官田等項稅
糧計米麥一十萬四千八百七十九石有奇

大明宣宗章皇帝實錄

